

卷  
四  
五  
六

倚晴樓詩集

1-2975606



倚生樓詩集

咸豐戊午秋八月蕭山任淇題





PL  
915  
04695  
A164  
1837

倚晴樓集總序  
道光乙未予典試浙闈得黃生韻甫卷醇茂瓌麗決爲  
著作才因列之高魁揭曉後知生負才績學年少得盛  
名歷任宗匠咸以國彥待之其所梓樂府倚聲已紙貴  
一時幾於有井水處皆歌柳詞矣自喜月旦不謬異日  
文章華國長楊羽獵之才此其選也乃春官屢上不  
第四句後連遭大故復饑驅奔走南登虔臺西渡彭蠡  
東攬金焦之勝浮家泛宅於長江浩淼之中者又數載  
尋由膳錄得縣令發楚北以病未之官而生年已忽忽  
五十矣向之所望於生者何如固不意其困頓沈滯之  
至於今也是可慨矣且夫士之所以鬱鬱不得志者徒

倚晴樓集總序

道光乙未予典試浙闈得黃生韻甫卷醇茂瓌麗決爲  
著作才因列之高魁揭曉後知生負才績學年少得盛  
名歷任宗匠咸以國彥待之其所梓樂府倚聲已紙貴  
一時幾於有井水處皆歌柳詞矣自喜月旦不謬異日  
文章華國長楊羽獵之才此其選也乃春官屢上不  
第四句後連遭大故復饑驅奔走南登虔臺西渡彭蠡  
東攬金焦之勝浮家泛宅於長江浩淼之中者又數載  
尋由膳錄得縣令發楚北以病未之官而生年已忽忽  
五十矣向之所望於生者何如固不意其困頓沈滯之  
至於今也是可慨矣且夫士之所以鬱鬱不得志者徒



以無知已故耳以生之文采照耀內而鄉相吐哺外而  
量吏倒屣則固未嘗無知已宜亦可以揚眉吐氣搏羊  
角而致青雲之上矣而卒且困頓沈滯以至於今也此  
又理之所不可解也生少貧其所學皆得之庭訓尊甫  
晚香先生以宿儒屢踴場屋乃以讀書勵行爲詒謀嘗  
書楹聯曰貧未賣書畱教子饑甯喫粥省求人其志趣  
概可想見而生之母氏朱夫人復勤苦節儉以成先生  
之志故生兄弟得銳意力學先後膺鄉薦夫以先生與  
夫人積累之德鬱而未宣意必假生以發洩焉生之才  
又恢恢乎足以副之而卒且困頓沈滯以至於今也抑  
又何也生少以詞曲名世皆以詞人目之中歲以往益

肆力於詩古文章世遂以詩人文人目之近又卻塵息  
影讀老莊之書而溺於神僊杳渺之說世且以有道人  
目之噫生之學愈進而生之志亦愈可傷已雖然文以  
載道爲宗道以有利於物爲貴生當服官之年令有民  
社之責而楚北又值兵燹之後民俗衰敝廬井蕭然澤  
鴻磬磬夷傷未復正賴良有司學道愛人以弦歌之化  
起凋殘而厚元氣賴川循良之治重有望於生焉生豈  
遂以俯仰林壑長吟抱朴終耶會生以所著各稿乞言  
於予予既閱而善之而不欲生之僅以詞人詩人文  
人名焉蓋生之性情深厚醞釀於詩書而流露於翰墨  
倘以所學見諸施行必有異於俗吏之所爲者生其善



體先人之志而無負予之所屬望則他日不朽之業當  
更有進於此者此特其壽世之一端耳爰書以勉之時  
咸豐七年新秋虞山友生翁心存一銘氏序於澄懷園





貌瘠而脩高顴削頤而炯  
炯雙眸是能讀三墳五典八  
索九邱而位屈于百里侯吾  
知天之所以信子者固將壽  
文章以千秋

同治壬申中秋

年愚弟何國琛題



倚晴樓詩集

卷一

海上祀神樂癸未

海鹽 黃燮清

韻甫

原名憲清

潮神

於廓滄海宰匯衆瀆浮乾坤涵迴施博神旗載揚金  
羽紛簇百靈承輿弭祲降淑刑牲湛璧旣潔旣虔永  
奠定垂千億年

火神

南方火德夏畏冬愛麗正熾邪熟生炳晦神鑒有赫赤  
幘緋蓋如日當中靡隱弗逮載齊其心載升其馨承耀  
受祉大文昭明



風神

巽位司令噓噫生氣條豫宣鬱植產化冥神來決決迺  
旗迺施不厲而溫如仁斯藹衆嫫粲列五音笙簧同遊  
太和庶彙蕃昌

龍神

天用惟龍霖雨萬物飛潛以時興道信屈猗歎神靈宮  
海而窟轟雷蒸雲百鱗稟節鐘鼓既設俎豆既陳敷錫  
芳澤阜成兆民

敬述庭訓

父曰兒前兒其績學本正於繩玉成於琢逐物易遷遇  
善斯覺衡理以心如鏡在握浸淫醇和補救偏駁

父曰兒前兒其慎交樹棘傷蕙植莠害苗善惡之質成  
於薰陶鳳以德下鵠以腥招出此入彼審端秋毫  
父曰兒前兒其戒刻貧弱我憐災傷我惻質薄易戕土  
厚斯植茹柔匪剛權利損德怨毒在人患不可測  
父曰兒前兒其黜偽人之稟生恃此真氣矯誣以逞其  
何能繼引經文茲強辭襲義欺人自欺愧忤天地

讀史

群公雅好客車騎喧盈門邑人不給養貸息資於民蒯  
綬有寶劍何乃輕貧身雞狗滿上坐聚散安足論勢敗  
客亦去唾面奚須噀齊潛固宗黨其分則君臣小嫌輒  
反噬破以四國軍孤恩不自愧乃言客負文本根且弗



顧何況三千人

毛生處門下三年若無有按劍要楚盟王命懸遂手睥  
睨視萬乘利害兩言剖堂下十九人等良足醜去來  
亦尋常枉斬笑臣首相士固不易勝也敢自負才出處  
囊穎終失賣漿叟

華堂列尊俎長筵羅簪纓公子何不來執轡迎侯生侯  
生抱關者元傲睨公卿徹衣照四座乃令賓客驚公子  
以生顯生以公子名終能濟患難指揮卻秦兵一舉動  
天地七國馳英聲功成反受謗誰能鑒衷情英雄老醇  
酒熱淚浩縱橫

春申固豪傑上書說強秦艱難出太子楚勢賴復振輕

財重結納游士來如雲珠履炫門閥氣蓋平原君進女  
惑邪說終乃植禍根圖反計斯拙慾蔽智亦昏腹心視  
仇敵芒刃已及身當時座上客無人殉棘門朱英逝不  
返知幾抑何神

黃金致樂毅驕驕遇王良長驅走東帝蹴踏穿齊疆一  
朝惑反間伏櫪徒悲傷駿馬老頽喪火牛始飛揚烈炬  
照龍繪銅器聲銀鐙風雲黯秦岱神鬼相驚惶得地不  
能守國瘁由人亡莫言蠹喙細往往仆柱梁

臣血可濺衣臣頭可碎柱秦瓠使秦擊趙璧還趙土瞋  
目髮上指直視若無覩一叱左右靡聲裂百鈞弩歸來  
拜上卿功大不自詡折節下廉頗詎忍鬪兩虎吁嗟命



世才乃出舍人伍國器重播璵璠連城何足數

廉頗壁長平秦師不敢薄李牧鎮雁門匈奴笑爲弱臨危制以靜欲進勢轉卻守勁士不躁敵驕將可掠趙括豎子耳談笑撓鋒鏑長驅四十萬有若鳥赴燉始知老成心鄭重見智略郭開爾何人黃金以口鑠一佞妨兩賢強寇已入郭若輩無時無安能靖蜂蠹

吾愛魯連子矯若春雲游戲圍城中無求平原君面折新垣衍氣攝諸侯賓高論激頽懦遂卻虎狼軍拂衣謝卿相富貴如輕塵口舌取金紫蟻視儀與秦飛兔迅以逝歸隱滄海濱天風振浩蕩絲組誰能馴爭道遜句踐論劍避蓋聶庸庸不屑校大勇固如怯醉

來燕市游筑聲動鳴吧浮沈屠狗中酣歌繼以泣燕丹洵知已舉事何躁急秦地遍天下乃以匹夫劫易水風蕭蕭征馬去若葉談笑媚祖龍匕首倏出匣環柱惜不中天地已震讐一死華嶽動豪氣至今懾

豪傑貴堅忍否則謀始亂進履爲帝師結襪亦相漢耳餘刎頸交反覆良可歎餘也忿吏笞其氣尙慄悍愧彼桑下語優容具成算解綬終亢激佩印獨勇斷竟拔趙壁幟卒膺泝水難溯其成敗由忍與不忍判耳價重千金餘乃僅得半

信越起漁釣能令項王死英名蓋天下駢首屬呂雉高皇嫉功狗罪誅涉疑似豈知亂漢者禍乃伏妻子娥姁



倚產祿志在戮壯士將將信雄才咫尺昧牀第平勃幸  
無恙卒以安劉氏不然炎火衰何待黃霧起

魏其既失勢武安方驕盈治宅甲諸第列坐皆簪纓自  
言漢相尊位次卑乃兄舊時藍田客咸來相逢迎強哉  
灌仲孺芒角何縱橫衆辱兩衛尉耳語噴嚶嚶奴隸視  
勲貴嬉笑輕死生按項頗屈強醉眼怒愈瞠杯酒濺熱  
血潁水不復清負氣良足戒傲骨庶幾撐

應手斃射雕翻身奪胡騎猿臂控大黃騎虜走相避漢  
廷思頗牧英雄獨顛顛不封狼居胥反對刀筆吏構醪  
何見迫失道亦天意慷慨引佩劍淋漓尙豪氣豈惟一  
軍悲千載壯夫淚封侯信有數不在骨相異吁嗟飛將

軍何如妄校尉

春曉曲

甲申

玉虬喚月歸瑤宮海雲入夢胭脂紅珠箔沈沈嫩寒薄  
烏聲已轉櫻桃風推枕寒帷新睡足羅帶連環壓裙幅  
秦臺寶鏡雙蟠龍黛煙翠活琉璃中輕鬟髮髻妝墮馬  
衣薰馥面爐香地階纖步春草深柳絲踈地垂黃金  
芳華如此不相賞明日高樓成綠陰

白紵詞

吳淞煙水明秋河迴流作鏡皎若磨嬋娟如花目橫波  
風鬟鑑淥嬌影娥鰲人爲絲龍作梭織成白紵輕於羅  
飄煙舞雪姿婀娜珠塵宛轉爲君歌玉顏沈沈紅欲酡



酒痕易散愁蹉跎燭房豔豔浮銀荷畫屏咫尺風露多  
明星東爛月西陴良夜不樂如曉何

同人集硯園消暑

小橋窄徑蘚痕蒼來訪城南舊草堂簾展風漪秋入夢  
簾浮波影晝生涼吟詩恰和琅玕韻醒酒微聞菡萏香  
物外閒情誰得似分明莊惠在濠梁

泰山晚步休於積善庵

言尋香草徑坐對夕陽峰林暝喧歸鳥雲深閣晚鐘泉  
聲上方落茶味本山濃獨與野僧語悠然塵外蹤

將進酒

琉璃杯勺金叵羅鷓鴣留客春風和落花游絲易晚晚

有酒不飲成蹉跎東家女兒雙翠蛾昔何窈窕今婆娑  
嫫母夷光俱白首明鏡安能別妍醜玉顏如花不常好  
底用閒愁損懷抱劉伶鋪步兵厨鼓趙瑟吹齊竽美人  
贈我雙玉壺酒酣擊節歌嗚嗚犀首無事但須醉君不  
見三閭獨醒傷顛顛

服食求神仙神仙遠在三山巔徐郎樓船去未返祖龍  
已老沙邛邊我來滄海上但見海水搖青天雲中麻姑  
鬢成雪鰲骨飛霜照明月東方小兒爾何人游戲卻得  
長生訣飛廉桂館空瓊瓏茂陵石馬嘶秋風冥心好道  
苦寂寞曠蕩無如酒中樂

秋風西北來吹我庭前雙梧桐雨露非不厚朝成綠陰



暮還空浮雲富貴豈常保高家祁連忽衰草君不見叔  
敖賢相子負薪魏其勢去翻殺身咸陽黃犬華亭鶴應  
悔恩恩未行樂金尊有酒當喜歡醉鄉浩淼江湖寬  
束髮事游俠結客千黃金金盡不足惜但願爾我同一  
心人生聚散見交態田常失職客何在豔陽桃李敷春  
華涎涎雙燕飛啄花文梁畫棟有變易明年花發來誰  
家田寶車馬互冷熱罵座空勞灌夫舌吁嗟肝膽誰堪  
同酒酣卻看青芙蓉

折楊柳

乙酉

河橋萬楊柳踈地罩殘紅別路今宵月高樓昨夜風有  
時牽錦纜無力挽青驄多少征人淚消磨玉笛中

昭君怨

永巷三秋月年年照淚痕良媒難自託遠嫁亦君恩掩  
袂辭金殿鳴絃度玉門但能安絕塞妾命不須論

過一笑山廢址

多少登臨興蒼茫付落暉百年喬木盡三月落花稀斷  
澗鳴哀筑荒禽惜舞衣玉津誰是主惆悵昔人非

舟夜

暝色沈遙岫寒波送短橈零星村店火涼月寺門橋采  
采芙蓉樹依依楊柳條離懷多感觸酒醒況殘宵

烏棲曲

丙戌

商音帶月敲井梧上有交頸白項烏風枝搖簾夢影墮



何陋詩集  
舞榭秋寒尙燈火美人薄醉嬌春紅明河欲沒歌未終  
烏啼啞啞飛向東

海塘散步

鼓盪人間世浮沈化外天一隄金可鑄終古石難填循  
例趨橐鼓迎神賽管絃生靈資保障珍重水衡錢

送汪少海師

仲洋

之甘肅戎幕

嫖姚旗纛正西馳誓掃欃槍到月氏書劍偶依嚴武帳  
姓名終上蔡州碑虎頭食肉宜公等龍額封侯及此時  
早晚天山飛露布直須飲馬過條支

蘆花和舅祖查又山侍御

元脩

韻

空濛雲氣盪沙痕一片潮聲響晚村野渡風高秋在水

漁家夜靜月當門寒江可有吹簫客雪塞應思挾纈恩  
我自青衫感離別琵琶相對易銷魂

相逢行

丁亥

相逢在歧路愛逾平生歡下馬飲我酒言言皆肺腑肝朝  
爲桃李華暮爲冰與雪流光不須與炎涼改時節雲中  
雙黃鵠日夕相翱翔人心不如鳥覲面起太行太行高  
峩峩十步九回首驅車苟不戒蹉跎隨其後種蘭先去  
蠹種竹先求疏相逢不相棄君子慎其初

內子學琴初合節奏

玉軫鳴泉小院清泠泠節奏漸分明東風三月鳥相語  
紅雨一窗花有聲調不入時終灑落靜能養性自和平



餘音繚亂隨飛絮絃上春寒翠袖輕

早秋偕支少鶴茂才

清彥

兄蓮舫

際清

登吳山次

少鶴韻

迴巒曲徑引盤蛇紅樹蒼松媚晚霞吳地江山天下勝  
岑參兄弟客中家潮來極浦龍鱗動風急寒空雁翅斜  
聞道防秋兵未解登高愁聽暮城笳

時西館未靖

感懷次少鶴韻

搔首西風鬢易凋吳山越水氣蕭條消磨髀肉英雄淚  
跌盪秋心江海潮孤館月明聞候雁高臺日落見寒雕  
憐君抑塞同爲客磊塊還應濁酒澆

天竺道中

木葉弄早黃山氣瘦寒碧峰迴勢百轉徑修勝屢易雲  
霧霽上方松篁陰絕壁清風灑然來泉聲激危石妙香  
何處尋諸嶂烏啼夕

旅曉

蟲聲警短夢斜月在東牆秋風來無迹枕簟生微涼念  
我素心人惆悵不能忘朝爲牛女星暮爲參與商貧賤  
輕離別觸緒多感傷贈子五色繭可以代報章絲絲相  
聯屬縷縷出衷腸纏綿在方寸尋引不可量

客夜感賦

江上芙蓉已早霜恩恩時序感炎涼蟲聲漸少知秋盡  
客夢頻醒覺夜長讀賦誰憐揚執戟賞音可有蔡中郎



文章但作饑驅用贏得高堂兩鬢蒼

擬古

勞勞事車馬去去將安之別易苦會難白日倏如馳津  
梁綿以邈欲歸當何時秋風吹已老寒衣寄不早日夕  
望歸馬落葉滿衰草相思不可極夢魂與之杳

亭亭江南樹鬱鬱媚春日一朝西風來落葉各相失我  
我田實門赫赫金張宅昔時華屋居化爲枳與棘快意  
良須與榮枯亦瞬息得歎且自怡寸衷爲誰惻落寞守  
太元卓哉揚執戟

今夕復何夕燈火輝華堂酒後看長劍開匣森寒芒烈  
士三摩抄壯心與飛揚江海抑何廣欲渡無津梁行路

良獨艱忼慨激中腸會當及鋒試手斬豺與狼安能逐  
鴻雁役役謀稻粱

河漢動曙寒秋氣在高木蟋蟀奏衆響幽窗炳殘燭霜  
露逼歲暮天地漸以肅撫景懷故人離思輒往復紉蘭  
可爲佩采蕭不盈剝無由寄芳馨誰能鑒心曲

嬈嬈紅蓮花亭亭出芳池托根旣清淨來親君子帷君  
子行未歸秋風減幽姿念念新結髮依依此別離脈脈  
倚樓望明鏡愁不治芳草亦云暮顏色難久持此情欲  
持贈恐勞遠道思妾甘獨幽怨不忍寄君知

驅馬入平原飛塵浩無際夕陽自古今莽莽動愁思銅  
山苦易頽祁連冢亦廢富貴逝浮雲豪華鑠精氣寒暑



數十年蟬蛸寄天地丈夫不自立悠悠嗟沒世

秋風度玉關疲馬臥荒阜天地莽寒色驚沙挾煙走野  
曠人行稀遺骸聚作塿長夜燒青燐陰芒燭幽藪可憐  
征戰地白骨無童叟古王事開邊業無千載久寒暑相  
代謝陳迹皆烏有且復發浩歌擊節對尊酒  
我生縱千歲亦有窮已時今人忽以古往者不可追會  
須極娛樂莫負琉璃卮達人自遠識曠然忻所私游心  
入太古擾擾將奚爲

觀演武

風騎驕平野雷車掣太陰虎罷堅士氣狐兔鑠邊心列  
陣銀刀肅防秋玉帳深天山兵未解驕虜急生擒

織錦詞

爐薰復帳湘煙碧星戶垂簾桂花白萬緒秋心析亂絲  
瓊梭宛轉愁難擲香篝倚壁珍珠明桐子落檐成雨聲  
起視銀河忽見月月色盪漾關山情涼蛩警枕鴛鴦瘦  
好夢浮沈玉壺漏一夜啼紅上錦機明朝顙顙相思豆

元夜玩月贈內

戊子

踏歌聲裏碧雲開雪霽池塘正落梅明月今宵人盡望  
去年此夕汝初來畫屏燈影浮紅蠟石逕衣香染綠苔  
自喜園林無俗韻春風都上玉簫臺

西湖春泛詞

打槳西湖煙翠間畫橋流水碧迴環曉陰寒鎖樹中樹



殘雪晴開山外山

亭臺如畫散朝霞垂柳陰陰燕子斜堤上新過寒食雨  
二分春色在桃花

蓬萊樓閣碧玲瓏鬢影釵光明鏡中西舫歌聲接東舫  
一湖簫管語春風

白傅隄邊芳草長蘇公祠外柳花香踏青人上湖樓去  
無數游驄繫夕陽

酒香花氣散如煙縹緲歌聲盪暮天水底闌干紅袖動  
琵琶人在柳陰船

風颭殘紅香滿衣蘇娘墳畔踏芳菲白羅裙繡金蝴蝶  
多傍青青草上飛

畫鴈

素壁颯寒氣蕭蕭枯樹風大荒秋鬱勃平野月沈雄肅  
殺乘金令精神出化工兔狐猶未盡孤負羽毛豐

畫鷗

秋水影臺素翛然生靜機野雲閒共遠溪月澹相依浩  
蕩性天適孤高時世違豈無江海志動作愼幾微

西師凱旋恭紀

已撤黃龍戍生擒賀洛渾兵威如夏日天意自春溫積  
雪開蔥嶺和風度玉門五原爭款塞聲教迄崑崙  
廟算周荒遠師行戒驛騷九功新奏樂諸將各垂橐鐵  
蓋騰笳吹金城拜羽旄旄道通仍卻貢休獻旅人葵



游靈隱

翠微亭下路蒼蒼靜聽流泉到上方清磬一聲黃葉落  
碧山無語睡斜陽

由靈隱至韜光

幽徑嘯叢篁白晝忽風雨空青鑒毫髮飛翠溼眉宇幽  
鳥不世情閒雲若太古茶煙起上方笕水貫深塢仰視  
煉丹臺翛然若沖舉簌簌松花飛夕陽下蒼鼠

韜光晚眺

秋色來蒼莽西風一倚欄雲歸諸嶂暝日落大江寒古  
洞聞猿嘯晴空見鶚盤神仙倘招手乞與碧霞丹

偕蓮舫兄登北高峰

絕壁俯江泉長風走海濤湖山都入畫兄弟此登高倚  
石捫星斗搏空愧羽毛青天搔首問雲氣上征袍

巖至南屏與鋤雲僧茶話

繫棹南屏水氣昏晚鐘聲裏踏雲根斜陽一院鳥爭樹  
落葉半山人扣門心地空明塵不染道機清淨月無痕  
自今幽興往來熟畫理詩禪與細論

西湖晚歸

煙暝雷峰暮色蒼恩恩歸棹櫓聲涼風帆只送雲林寺  
一卷殘經誦夕陽

題汪水雲花卉草蟲卷

蟋蟀堂前芳草碧金粉斜陽照鄉國蕭疎不斷故宮愁



仙作煙羅好顏色楚楚幽蘭含露香可憐妃子泣瀟湘  
籬角牽牛引蔓長下有絡緯啼昏黃明河雙星永相望  
欲往從之無橋梁玉階更補秋海棠長門顚顚紅妝  
團扇棄置秋風涼冷螢飛來斷人腸瞥見驚鴻起邊草  
如送蛾眉上燕趙一曲冰絃走殺聲官槐葉落哀蟬老  
琴師當日在宮中翰墨親承雨露濃曾向瑤臺寫鸞鳳  
曾從太液畫芙蓉兵入空山驚草木橫江白雁來何速  
防邊戰士化蟲飛專闢將軍成鼠伏貴戚貂蟬絕塞行  
微臣蟻蝨滄江哭驚風吹落上陽花燕泊鶯飄竟誰屬  
戀主惟餘鸚鵡悲思鄉愁聽杜鵑曲歌殘玉樹已無家  
夢斷金籠難再續鴉髻爭裁入道冠鳳裙盡換離塵服

南華蝴蝶悟空虛北去胭脂忍摧辱寄詩湖上別梅花  
從此青山永孤獨淒涼遺老賦歸來今昔繁華痛轉轍  
朱鳥難招信國魂冬青自向荒陵綠傷心重寫漢時秋  
蔓草銅駝淚盈幅聞道鷗波畫絕倫寫生瀟灑妙傳神  
生憐一片王孫草恰占燕臺寂寞春

春暮約少鶴出遊

已丑

曉陰初霽燕飛斜客裏東風感歲華明日又逢寒食節  
一春不見故園花靡蕪渺渺懷人路楊柳深深賣酒家  
聞道西湖芳事暮游山好試雨前茶

東風湖樓小飲薄暮始歸

亭閣春陰入畫圖柳花明滅下平蕪衆山含雨淡將暝



倚樹聽鶯  
遠樹積煙青欲無香國閒參蘇晉佛酒樓權當步兵廚  
東風尙有留人意芳樹惜惜唱鷓鴣

歸自湖上夢得人影依微點遠山七字醒而足之  
倚棹西冷煙翠間一湖春水碧迴環夕陽欲落鳥歸盡  
人影依微點遠山

羅浮蝶

神僊蛻影落天涯兩翅晴翻五彩霞客路東風正芳草  
故山歸夢及梅花留香裙上纖穠活學舞盤中廣袖斜  
我是漆園空色相更須尋取葛翁砂

蘇隄晚步

荒亭倚高柳疎蟬散清響碧陰通畫橋斜陽戀酒幌

新秋夜

一雨洗殘暑浩然知己秋客心淡遙夜月氣藹高樓機  
杼秦娥怨文章宋玉愁採菰歸亦得清夢問扁舟

搗衣曲

搗衣明月夜夜靜響何悲之子遠行役歲暮未旋歸秋  
風起叢薄鴻雁東南飛念君身上寒不忍處重帷布帛  
雖適用物賤或見遺安得心頭血化爲機上絲婉轉織  
羅綺纏綿爲君衣復恐春日暖中道還分離離合在君  
意妾心焉得知

月夜泛舟

放棹碧雲暮月斜蛩亂鳴秋聲無遠近離夢不分明蘼



杜言愁物芙蓉贈別情酒醒眠未得銀漢正盈盈

九日登吳山憶兄

時蓮舫客環山

去年山上菊初黃兄弟登高話故鄉往事回思如昨日  
今朝又道是重陽田園冷落花三徑江海分飛雁一行  
安得西風送歸棹白頭早慰倚闌望

雀飛多

雀飛多食我田中粟黃鵠不廉來共飲啄鳥焉不敢下  
饑鷹徘徊怒側目吁嗟兮黃鵠爾何不食玉山之禾棲  
嶰谷之竹沖舉千里橫絕四瀆而乃貽笑於鷙鳩取憎  
於雞鷺天生爾才忍摧辱吁嗟兮黃鵠

秋曉枕上作

五更蟾魄皓窗紗倚壁殘燈自作花簾外星河秋在樹  
枕邊笑語夢還家詩情自愛千金帚壯志虛懷八月槎  
抑塞襟期誰共語落梧風裏亂朝鴉

同蕭雨香明經應櫓支少鶴登吳山

霽色晃脩樹陵谷呈餘妍雲蹤偶然合振衣淩層巔客  
懷苦鬱積以酒蕩其天醉眼極寥廓大江橫我前一水  
斷吳越俯視但蒼然落日醒帆影微辨中流船此心忽  
萬里波浪與回旋安得跨黃鵠游戲滄溟煙

散步

旅窗苦岑寂散步入園林因見菊花老始知秋氣深朔  
風欺客鬢落日動鄉心天半征鴻起愁來不自禁



徐新齋之銘  
齋頭菊花盛開適與少鶴過訪留賞  
竟夕闌題分詠予得黃菊

夕陽問訊到籬東  
晚圃黃花綴一叢  
七寶莊嚴留正色  
千金灑落見高風  
沈酣酒暈霜華裏  
省識芳名月令中  
應有卷簾人比瘦  
滿庭殘葉數歸鴻

倚晴樓詩集

卷二

飯牛歌

庚寅

海鹽 黃燮清 韻甫

陟崇岡兮石磴  
礪枳棘蔓兮刺吾足  
斲斧斤兮刃芒角  
當要路兮敢余毒  
飯吾牛兮高歌吾有坦途  
無偏頗小人據險如我何

犬司昏夜雞鳴旦  
麒麟鳳凰久不見  
丈夫七尺苦貧賤  
牛背高眠待清燕  
毋饑我牛兮毋傷我黍  
青天無雲幾時雨

南山種樹近百年  
養成枝幹高插天  
時未至今偃蹇世  
不鑒余之忠  
嘗牛兮與爾同一餐  
入世良不易行將騎



爾歸田間

善哉行

白日經天斯須百年忽然有我贅形兩間解來如浮漚  
去若逝流何以永世中多煩憂解登高臨深徘徊孤吟  
世無鍾期孰知我心解我有寶刀可鑿心肝欲報知已  
受恩實難解道逢黃石授我陰符讀書不用消磨壯夫  
解五蟲鳴知秋花發知春座有絲竹可娛嘉賓解歌不厭  
長酒不厭多俯仰千載不醉奈何

晚泊篁里張叔未丈

延濟留飲八瓢精舍

言尋高士宅竹影遶詩壇杖履無時態鐘彝足古歡禮  
延徐孺子琴賞顧元歎幸結忘年契還分脫粟餐

俠客行

白馬銀鞍紫錦絛少年結客五陵豪歌樓月上紅燈炮  
醉擁胡姬看寶刀

寒食偕胡春如廣文

元熙俞霞軒茂才

典瑞查辛

泉茂才

人駿

徐新齋支少鶴湖舫賞雨

濛濛遠樹滃樓臺漠漠春陰障不開盡日東風吹白雨  
今年寒食似黃梅依微塔影和煙滅斷續鐘聲渡水來  
絕妙元章圖畫本勝游相對且銜杯

岳武穆墓

強敵聞名氣不雄權臣在內將無功中原勲業魁諸帥  
北地冰霜泣兩宮半壁河山留戰蹟一家兒女誓精忠



南枝大樹猶生氣夜半秋聲石馬風

于忠肅墓

瓦刺烽煙逼上京指揮親練九門兵英皇不念回鑾策  
諸將惟邀復辟名雲黑西曹聞野哭月斜南內有鐘鳴  
青山黯淡埋英魄莫問當年十大營

偕萬子珏

立衡

孤山探梅

霜氣肅空林衆卉漸以禿古徑踏黃葉水亭指寒麓幽  
鳥見人飛好山向吾綠暗香時一聞春意醒枯木密蕾  
自聯珠疏蕊或綴粟橫斜出短籬嬾娟倚脩竹未開趣  
已遠再來夢應熟更須冒雪遊賞此萬樹玉

水仙吟

東風起兮夜寒聚若有人兮隔芳渚颭素珮兮結明璫  
凌浩波兮澹容與波浩浩兮盈盈羅襪步兮塵生撫瑤  
瑟兮動操散縞袂之幽馨湘簾盪兮欲波鬬芳姿兮皇  
娥託素心兮明月暈奩中之翠蛾美人兮如煙嬾娟兮  
可憐獨與予兮流睠情恍恍其莫宣抱春寒兮幽處恐  
憔悴而易妍若將言兮未語羞解佩以自前奏玉笙兮  
渡瑤池弄明珠兮吹參差翩珊珊兮來何遲將蹇脩兮  
往從之往從之淡無迹長相思楚雲白

題查青華大令

人漢

龍靈石圖

石長丈餘寬不及尺蒼皮萬歲作四

折勢青華得於許淮陽太守故居許名令典家黃  
山之麓明萬曆時中瑞出鎮潔身引退自稱兩垞  
外臣石其舊物也



海天黯黯春雷鳴飛來怪石森中庭冷雲一朵削鬼斧  
爪牙拏攫騰空青青華先生抱奇癖得之不啻千瓊瑛  
云是太守許公物殫述始末綦詳明許公舊住黃山麓  
一麾出守淮陽城琴鶴以外無長物獨與此石共寢興  
公廨或具袍笏拜無乃爾是元章兄是時天子隱龍德  
蛇虺當道山成冰誤倚中官作柱石砥礪用事璠璣輕  
太守不受自主玷潔身巖穴全其名剛腸勁骨不可轉  
直與此石同堅貞林下歸來恣清賞素心不負煙霞盟  
彈指光陰三百載風流過眼時代更故國銅駝半傾仆  
一卷之多安能撐牆隙煙寒土花蝕雲根雨過苔痕腥  
落日荒村發淒嘯空山冷月埋精英梅壑高人雅好事

一經拂拭光熒熒軒窗羅列供吟玩錫之嘉名曰龍靈  
誌其緣起繪其狀蒼皮萬竅何瓏玲長一丈餘勢四折  
以手捫之鋒稜稜蟠旋結曲鱗甲動勢將破壁排滄溟  
靈氣蓬勃溢絹素如點以晴當飛騰君家向有縹雲石  
合之豈非三美并惜哉雲龍未際會不得霖雨蘇蒼生  
神物遇合良不易真龍入室見者驚此石幸落知己手  
嶄然頭角猶崢嶸補天無由到上界鼓浪慎勿歸延平

古詩送友人出塞

百年惜會少而況更遠離川水逝無極言歸當何時旋  
風起霄漢鴻雁東南飛同類異所適安能長相隨久聚  
不知樂驟行方苦悲願如天上月萬里同光輝



黃沙蔽四野征馬動哀嘶驅歌激清響游子何栖栖衷  
腸不可罄語畢有餘懷浮雲出華岳豈無還山期君子  
亮晚節終始毋相遺

北風厲胡管邊塞多苦音車騎去安適慷慨傷我心高  
堂置尊酒素月方西沈舉以酬行客未飲先沾襟去去  
善自愛令名乃所欽

西湖柳枝詞 辛卯

畫畫深深燕子風隔簾人面太空濛長條遮住花間閣  
只露闌干一段紅  
春水微茫浸碧空水邊無樹不煙籠天涯自是多離恨  
錯向西冷怨曉風

兩隄煙雨藹芳洲曉色冥濛翠欲浮枝上春鶯時一語  
美人殘夢墮紅樓

絮影如煙淡不收因風飛過望湖樓萍蹤自笑渾無定  
卻送行人上馬頭

擬補亡詩

南陔

陟彼南陔幽蘭其芳念我父母中心徬徨飭爾饗殮潔  
爾盥觴各敬爾事毋卽愆忘 陟彼南陔郁其芝念  
我父母悠悠我思父母生我飲之食之今我不報歲月  
其馳 陟彼南陔上有棲鳥依依延頸受哺于雛鳥猶  
如此人而不如子弗養將同于無 鼎鐘而文不如



葵菽威儀而矯不如愚樸貌溫非恭中善斯慤凡百人  
子咸宜爾最

白華

采采白華千庭之除彼居之子毋愆爾儀叶圭璋而珩  
砥礪不如采采白華千彼幽谷彼居之子如磨如琢  
趨華易凋守命無辱綈絲雖潔就染則烏明鏡雖朗  
卽塵則汙守素不易所爭斯須

擬蔡中郎琴歌

返元神兮歸沖虛息羣念兮澄太初心閒暇兮安其居  
素魄皓兮風如如萬籟靜兮衆音舒湛空明而不染兮  
淡逍遙以自娛

孤兒行

有孤兒不得於  
後母作詩憫之

孤兒苦兒父母在時食魚肉衣羅綺冬不得寒夏不得

有暑解一父母旣沒食無脯髮蓬蓬垂面衣垢不得浣綻

不可補顧視姊妹兄弟各淚下如雨解二往訴後母母怪

兒忤目他視弗顧兒不得竟語解三不得竟語走告阿舅

後母雖好不如兒生母解四舅語兒兒勿傷悲善事阿母

慎勿參差兒無失母無不慈解五

擬陳思美女篇

南國有佳人姿態何嫵媚提籠出采桑顧影自蹁躚羅  
衣稱皓體鬢髮委香肩瓊粧耀簪珥翠羽飾釵鈿明珠  
綴百顆一顆千萬錢纖綺展雲錦華裾散芳煙荷者爲



釋擔行客坐停鞭問女誰家子言在南城邊綺窗漾水  
綠畫閣與雲連明鏡照顏色空房徂盛年出處有時命  
無媒羞自前託身正其始素心良獨堅幽芳不求賞惜  
此蘭與荃

擬陶靖節讀山海經

村居絕塵鞅榆柳蔭吾堂茅簷過微雨草木有清芳興  
來偶讀書樂此夏日長鄰叟每相過欣然羅酒漿主人  
先客醉客去復自觴晚風偶入室襟抱生微涼展卷頗  
有會才得亦已忘千古僅瞬息何用多慨慷

擬靖節詠貧士

衆卉麗春日寒菊抱霜姿不以時節變根柯有改移涼

風起叢薄暮色何淒淒征鴻結遠響天際獨因依豈無  
一枝託羞與燕雀棲飛伏隨所遇本志不可違  
殘年促短景窮居一何閒晨起出負米薄暮常空還徹  
裘不掩肘破屋餘茅菅酒醒松樹下落日已滿山得醉  
良勝飽知足鮮後艱神定物不擾處困有歡顏  
顏子居負郭簞瓢事躬耕季路衣縕袍狐貉非所榮何  
世無賢哲身困道自亨強得鮮終保持滿恒易傾執鞭  
誠可求志士無妄營前軌可嚮往守此歲寒盟  
夷齊居首陽薇蕨甘如飴嚴光隱富春煙水亦療饑草  
木供餐飲魚鳥共游嬉詎必樂卑賤素心自有期義利  
相倚伏樂命無所疑清風被山水千載有餘思



梁鴻處廡下杵臼良苦辛相者舉皮貌遺之在風塵豐  
嗇係時命達士保其真嗜好不同俗中藏太古春遊心  
萬物表所苦非賤貧卓哉此高節悠悠誰比倫

擬靖節西田穫早稻

饑寒本自召力田終有酬愚者逐他務因之多煩憂春  
來事稼穡新穀已可收值茲風日佳及時往西疇盈歛  
姑勿計有得無餘求食力詎不勞良勝非分謀歸路多  
好景夕陽淡彌幽野鳥戀遺穗相顧鳴啁啾行當買斗  
酒賞此茅檐秋

擬謝康樂登池上樓

神龍狎波濤野鶴絕風塵高舉欠豐羽深潛乏脩鱗立

功苦不早積學愧未醇優游隨所玩愁病恒相因登樓  
縱遠目聊以曠心神泉響激岸足山翠墮溪層和風被  
晴野霽色晃重園芳樹延衆綠餘花媚晚春懷人每呬  
鬱觸緒多嘔呻強歡無竟夕感時鮮良辰撫此冶陽景  
惜少煙霞鄰

擬康樂石壁精舍還湖中作

薄暝赴巖壑煙霞弄殊姿停舟遲不發秋色澹相依蠟  
屐興未艾解纜日已移蘆葦被清淺竹樹森參差柳色  
隱來艇蘋香留去衣山風落諸澗川月蕩孤輝景過有  
餘善神行無滯機心跡頗超忽胡不詠而歸

擬康樂從斤竹澗越嶺溪行



空山無曙鐘鳥聲每先到疎星歛微芒殘月朗餘耀結  
曲赴幽險迤邐極危峭鼠鼯常後避麝麝若前導下巘  
坐翠微涉澗攬深奧嵐花潤幽姿水竹涵清照乘流輒  
浩歌得徑必遠造忽憶高臥客巖雲應未掃葭露有餘  
思蘭澤恣遐眺獨遊惟自歡衆秀難盡肖物我兩俱忘  
山水隨所樂

擬康樂游赤石進帆海

流風散餘花衆樹蕩芳澤隨壑極幽覽沿甯眩行跡雲  
霞麗晴輝煙水混澄碧潛蛟無顯鱗飛鳥鮮停翮攜琴  
鼓水仙乘槎訪淵客流光相縈紆迴湍互瀾浩去景方  
逶迤來勝遞變易得趣意自愜卽遇欣所適試招方子

春刺船共夷憚

蔣書奴巢園賦白桃花

壬辰

不將綺靡誤劉晨畫出江南淡宕春三徑東風寒刻骨  
一溪流水迴傳神已空諸相能消恨縱人繁華不改真  
誰唱朝朝瓊樹曲踏歌岸上有汪倫

旅僕係  
俗善歌

挽陳丈健齋

震省

覓句陳無已終年常閉門鬚眉皓霜雪歌哭老乾坤死  
有詩篇壽生無儋石存魯公橋上月寂寞送吟魂

偕金讓水孝廉

謙

吳子述茂才

承勳

遊石屋嶺復

自南屏放舟三潭印月看芙蓉

一徑赴蒼苔松篁陰過山人來秋色裏屋老翠微間朋



酒有時合風塵無此閒茅亭足幽賞小飲各酩酊  
曳履下山去寺鐘催我行寒雲連野色絕壑走風聲楊  
柳秋前老蘆花煙外明停舟正相待乘興續鷗盟  
小泊紅橋下芙蓉望若仙豔能捐俗態冷不乞人憐瘦  
影淡窺鏡餘香清入船採之何所贈雲水但蒼然  
曰夕氣清迥南屏落照低青山如客瘦紅樹有鴉啼鄉  
思因風起湖煙隔岸迷漁歌送歸棹寒翠滿蘇隄

子逃邀泛孤山時殘雪甫霽餘凍未泮湖光十頃  
皎若鋪鏡

寒雲散陰翳衆樹媚新晴篙師喚我渡鼓柁擊空明扁  
舟逆冰上冰與舟相迎櫓柔冰力勁蕩作風雷聲初緣

葛翁嶺旋泊通仙亭山陰日不到殘雪蓋其汀低檐有  
餘白幽嶂無全青荒寒得奇趣塵抱忽以清梅魂凍未  
醒一鶴空山鳴

吳山伍相祠

鹿走荒臺霸業空獨留遺廟颯英風越山對面青無數  
常在孤臣淚眼中白馬靈旗蹴浪行英雄遺恨幾時平江潮怒挾風雷勢  
猶似夫椒戰鼓聲

望湖樓雪望遲許金橋主政謹身金讓水吳子述

諸君未至率成短古

朔風厲寒聲吹白湖上路樓閣氣森聳曠覽滌塵慮衆



山暫其巔玉筍屺無數峯麓靄青蒼日出煙在樹雞聲  
隔昏杳人影綴輕素遠水醒漁舟蓑笠皓於鷺憑高極  
遠勝俯迴豁幽趣安得同懷客卻詠問天句

早春薄飲湖樓

癸巳

春風如醇醪怡然使心醉吹我出城來鼓棹弄煙翠水  
雲蕩澄輝林木靄餘膩雨久晴更宜萬類具歡致時鳥  
多好音山花鮮俗媚絲竹趁和朗綺羅炫佳麗一飲累  
十觴清狂有真味鬱鬱將奚爲且隨興所寄

擬郭景純游仙詩

長安冠蓋地裘馬紛驅馳潔身苟不早素衣將化緇煙  
霞抱奇癖林木賦幽姿縱情自怡憚恥爲風塵羈蛟龍

不戀穴鵬鵬不巢枝跡希見物貴處晦忌人知馭風獨  
長邁行將訪安期

結廬東海上俯仰曠心神天風激靈絃清響滌煩塵誰  
能爲此曲無乃方子春林壑雜衆竊魚鳥怡天真碧雲  
起蓬萊鸞翅矯如輪美人解瓊珮欲語殊逡巡芳華易  
消歇素心良足珍

彩雲含琉璃光風薄芄蘭中有餐霞客贈我青琅玕把  
袂一以杳樓宇何高寒採芝馴白鶴劇荅參青鸞黃石  
笑相揖入山共盤桓俯覽塵境仄仰視天路寬麻姑未  
爲壽滄海良易乾

縱馬無緩程流川不西逝華年遞變更萬類倏遷異感



此起太息朱顏惜憔悴安得策六鼇扶桑恣遊戲赤繩  
繫萬丈烏輪勿使墜金石有銷鑠遐齡永無既

鸞鳳擇嘉蔭鴻鵠摩蒼煙處之燕雀地烏能遊其天劍  
氣不掩水珠光必騰川素抱悵未釋奄忽徂盛年日暮  
秋風來搔首心茫然

龍性不可馴釣以珊瑚竿風雲爲驅策御之涉長瀾間  
闔仰可問星斗橫闌干晴煙織輕素皓月吐瓊盤霓裳  
奏新詠美人何嫵媚貽我九霞佩授以八瓊丹默念萬  
化理獨具千古歡南極亦已老東方終戀官  
桃李敷蕤蕤當春吐芳灼姿顏非不華冉冉就凋落金  
商轉素秋疾風起叢薄芙蓉惜歲晚蒲柳歎質弱瑤池

植琪花蓬島產靈藥服之可延年遊神返沖漠笑視青  
瑣班安知赤松樂

長水竹枝辭

權鄉十里水如羅鹽邑一楊柳深隔岸坡欵乃一聲

明月上夜船欹枕聽山歌俗呼漁唱

白鶴園中白鶴飛白雲塢外白雲遲郎舟載鶴管山去

妾夢如雲不自持管山有白鶴園

惠人橋下水悠悠資聖寺前春獨游惠人橋在縣治西

一樹杏花開落盡東風還上舊時樓寺有古杏即張黃

胥里垂楊寂寞春里有伍相祠丹青祠宇枕溪脣小橋

夜半扁舟到落月殘燈乞夢人



古廟猶傳吳越王廟在澈曾將弓矢捍錢塘至今洗劍

池邊路洗劍池亦錢王舊蹟風雨蕭條海氣涼治西南有譚仙嶺

丹竈何由問大還譚仙遺跡白雲間系仙人譚詣得道處

野花滿地無人掃趁著東風紅上山秦望山美人墓

東巡曾此葬紅裙一徑深深暗夕曛始皇葬美人處

三十六宮春夢斷傷心不獨美人墳

黃盤白塔峙清秋逼束銀濤拍岸流幸有藍田功德水

至今參政說魚頭宋咸平中知縣魯宗道補藍田浦通海入河以洩潮勢魯公後為參政有

宣慰遺蹤蔓草秋綺羅荒盡舊妝樓隔林一道青山色

猶作蛾眉點點愁元宣慰使楊粹居澈浦城建樓以貯姮女名梳妝樓今廢

徐福樓船去不回何須采藥到蓬萊紫薇亦有仙人井

會見丹砂水底來紫微山有仙人葛洪井汲者往往得丹砂

聞琴橋下水迢迢聞琴里畔暮山遙里有琴臺相傳遞

鐘聲斷鍾期去剩有天風咽海潮

鳳皇山頂削芙蓉山在澈水形似鳳翅走馬塘前芳草濃塘在沈

妾願鳳皇長比翼郎如走馬去無蹤

浮圖高與暮雲平一帶烏坵塘水清治西南三里為鳥

寺後有塔可望山海夜半忽聞風雨至寺門銀杏作秋聲寺前銀杏大十

秋磬孤煙碧樹隈通翁門巷閉蒼苔只今惟有清林月

仍照橫山舊日臺唐顧況家橫山建讀書臺有憶橫山

故居詩云山連極浦鳥飛盡月上清

齊青樓詩集

卷二



未眠

紅樓蠡壳小窗斜望海城邊佳妾家

唐開元時置城縣南以望海今廢

特地為郎消渴病秋風新試桂花茶

以桂花浸鹽水中香色逾年不變淪

名極

一片晴虹向晚收鹿山山色接天浮

山在治西南四十里其麓有孟姥

泉源深

無際儂心孟姥泉中水萬丈深源無盡頭

畫舫盈盈隔柳絲村娃三五鬪腰支願郎招寶塘休去

塘在治西南三十五里商賈販貨皆經之故名招寶莫把黃金買別離

曳屐遙登千仞岡半潮峰接翠屏蒼

半潮山治西南四十里遙接翠屏

利為

山空林葉盡秋寬闊日落豐山石氣黃

豐山產石色黃而堅邑人采以

金蓮細細踏蒼苔金粟山頭曉霧開

山有金粟寺春日拈香士女雲集

妾向佛堂參佛去郎從茶院乞茶來

錢鏐王幸金粟寺命寺僧設茶施衆

故名茶院

涌月臺前梅影媚梅花屋外月如煙

東門樊圃為明陳仲修讀書處中有

涌月臺及梅花書屋屋荒梅老人何處明月年年海上圓

誰家簫鼓鬧芳辰一院東風萬象新道是歲朝宜吉語

鸞箋兩字寫宜春

歲朝寫宜春帖及元旦把筆諸事迺吉等字

風吹花信到樓臺馬路迢迢雪乍開

馬路在南城外坦直可試馬因名

香霧襲衣寒不散玉玲瓏館探梅來

館在城南張氏園樹梅數十木春初

作花皎如積玉

杏花村前流水斜杏花村後是儂家夕陽走馬村前後



料是郎來看杏花城之東南隅多杏樹號杏花村

曲巷迢迢聲悄然銀塘近水草如煙落花門掩清明雨

一夜紅樓盡早眠鹽俗清明夜都早眠

李花落盡豆花開小菜青青心長臺芥之始花者曰臺心菜昨夜

春雷今日雨貓頭新筍邵灣來邵灣山在治西南三十里產筍最佳俗稱邵

釣舟來去白洋湖湖鄰湖畔青青長荻蘆羨煞漁村三

月味桃花土蛛菜花鱸土蛛桃花時最佳鱸魚菜花時尤鮮美

蠶種須教竟四眠鹽俗有蠶四眠者居多買桑須買樹頭鮮桑初落為

蠶眠桑老紅閨靜燈火三更作繭圓蠶三眠後作繭小粉圓祀馬

樹頭蠶眠桑老紅閨靜燈火三更作繭圓

日繭圓

上蠶最好老晴天頃刻山頭顯顯圓為愛城南好水色

縑絲記取白沙泉泉水清潤汲以縑絲有光澤

澈川細葛薄於煙艾葉榴花相對妍淺酌雄黃共郎醉

嶼城西去看划船午日以雄黃入酒飲之可以祛毒嶼城去縣十五里里中好事者以巨舟

結絲置金鼓于上使十餘人御之而行謂之划船

藕絲裊裊藕花香流水溶溶鶴頸塘塘在聞琴里郎意

或如流水淡妾心終似藕絲長

大士齋期佛院開接梁殿宇涌蓮臺城南福業寺寺有接梁殿供奉普門

大士每歲誕辰男婦如雲香火達旦簫聲吹起三更月太子坊頭拜願來

太子坊城北三里許鼓吹進香俗呼拜願捍海塘前雪浪驕八城漁擔鬧心橋橋在縣治西里許夕陽小



市魚蝦賤知是南風第二潮

翠微深處暗松櫟橫海長牆夕照銜治南三十五里有

望海以山形橫截石馬山前見耶馬山在徽浦西北舊

故一名石帆山上望郎帆山在長牆之外水中有

城東網舍幾人家沿海居民都結網秋雨秋風一棹斜

日暮載郎橫浦去野塘空水割蘆花橫浦縣東二里

野鴨峰前野鴨飛野鴨嶺源永安湖田稻熟小鵲鵲

鳥最鮮肥鵲山多鵲居山者羅而食之因名秦山更有糟

沙虎甬上江瑤未足希沙虎者煮為腊秦山更有糟

羊頭山影畫中看羊頭瀨海為藥草差差帶雨寒一縷

妙香尋不到非華門下數莖蘭秦山之陰絕壁千丈為

常一本值數十金俗稱爲秦蘭得之甚艱

陶涇塘北漲新痕塘在治北一里生小浮家住水村懊惱郎心

似菱葉隨風去佳總無根邑產浮根菱

法雲古寺法雲遮直上茅菴石徑斜法雲寺茅菴俱在秦山頂松下

一鑪清沸雨本山泉水本山茶秦山產茶

大步山連小步尖二山相連在縣南二十餘里城寒校尉柳纖纖舊

司鹽校尉城今廢秋晴十日海灰燥竈戶連村開煮鹽沿海居民多曬

灰爲業灰燥則瀉成不利陰雨煮鹽之家俗呼竈戶

秦望山頭松子飛秦望山下雄雞肥山多松樹山人畜

腴異常雞俗稱秦雞鷹窠合壁留郎看須過小春初一歸鷹窠頂



扁舟寒載日高風清晨風利俗稱日高風煙水樓臺圖畫中最好

小西湖畔路一林霜葉四山紅永安湖一名小西湖湖上多楓柏樹霜葉初紅

碎錦

梅花零亂水邊村雙槳徐開野色昏鐵笛一聲風外落

寒煙疏雨出巫門巫門聽笛啟湖之一景也

晚秋庭院碧雲涼景物清映風味長紅袖樓頭新製就

海棠花蜜桂花糖深秋時閨中以秋海棠花釀蜜作齰面之用桂花作糖亦嘉製也

蘆荻蕭蕭漁火微菊花開後雁初飛縣東北去楊家簫

月黑天陰稻蟹肥楊家簫去縣十餘里產蟹最肥他處皆不及也

木落城南霜氣清海山寒翠新晴西風滿地相思草

無限茫茫采綠情城南居民多樹煙草為業

馬嘍城中爆竹鳴馬嘍城外雪初晴鹽城一名馬嘍龍神去後

風聲小說是來春米價平十二月廿一日至除夜風謂某月米賤也

日落方洲噪暮鴉方洲草堂即雪夜歸舟亦曰一笑山峯宿雨嚴歸雲洞蘭雪坡茶煙噴

舟如夢歸何處春雪隨風散作花舊時臺榭變桑麻局

依山高閣望蓬萊治水航前花正開依山閣在海上海閣之下築室如舫曰

治水航道光四年新建庭中記得海香燒罷後春日婦

有山石即一笑山故物也

小築春深芳草繁謂之燒海香風鬟霧鬢倚樓臺

依舊啣泥芥子園吳文憲芥子園落成詩有春社紅

乾燕于泥句師陶閣其一景也



鄭公嘯傲侶禽魚終古斜陽剩一廬咬得菜根百事可

讀書風味樂何如簡公讀書處鄭端

烏夜村中舊隱棲張氏勝節亭臺邱壑為一邑之勝節亭臺邱壑為一水邊亭子

柳邊堤游春人去佩聲香滿院落花鶯亂啼

小築城南三徑幽硯園猶有讀書樓硯園在南城下水石深秀子童時讀

也書處畫橋流水無人到一隊春魚傍岸游

水月清華花木深拙宜亭榭書陰陰家園舊係楊晚研太史別業中有竹

港梅溪水月居四竹枝唱罷午風起付與流鶯長短吟

愛亭晴雲閣諸景

倚晴樓詩集

卷三

短歌行甲午

海鹽黃燮清韻甫

涼風西來秋氣在心中夜忽起慨焉悲吟解一仰視天宇

星斗闌干我欲冲舉慚無羽翰解二峩峩太行滔滔呂梁

失足千仞誰予之匡解三白鶴兩雛南北分飛同氣異適

孰知是非解四點鼠飲河拙鳩營巢百歲瞬息智愚同勞

五仙廚麟脯食之長生侏儒飽死傷哉歲星解六軒轅鑄

鏡始誤美人倉頡造字文章賤貧解七我有鳴琴古音直

絃所思不見予懷曷宣解八

休洗紅



休洗紅洗多紅色變朝爲春蠶絲暮作秋風扇君心妍  
醜明鏡同不怨君心怨妾容

陳宗伯師

用光

招集定香亭納涼

喜下南州榻還浮北海觴水房花左右詩境月中央灑  
落神仙趣追隨弟子行紅蓮慚庾杲孤負芰荷香

雨後憩冷泉亭

溪亭過微雨雲氣在檐楹流水不能熱出山依舊清澄  
懷冰朗澈涼韻玉璫琤坐久萬緣寂晚鐘何處聲

湖隄晚歸

涼風一以動秋思滿陂塘煙柳有寒意藕花無數香酒  
船歸杳靄漁笛起滄浪回首碧雲合所期天一方

登南屏天空雲淨閣

殘雨息林表積陰殊未開歸心赴落日秋氣上高臺我  
欲乘風去山如渡水來憑闌極清眺餘興亦悠哉

圍棋限局字宗伯陳石士師命賦

空山寂無人丁然響寒玉消此夏日長坐隱卻炎熇初  
時得大勢寥寥滄海粟氣靜渺躁動神暇每閒矚來旨  
超以領去脈遠相續危機伏微茫生意出紆曲擊懈如  
縱鷹點睛若破鵠小挫勿自靡旣勝貴知足變化恃內  
算喧攘戒旁告倖進固固功多取亦近酷游戲見理數  
成敗泯榮辱中原逐鹿場羣雄競鬪觸得失良須與誰  
能千載燭天地本高厚趨利始躊躇我心何所營冷眼



看當局

馬乙未

西來龍種怒行空  
鱗甲飛騰氣吐虹  
萬里流沙奔電赤  
一星上駟太陰紅  
生逢武帝精神見  
世有孫陽顧盼雄  
聞說昇平方掩武  
承恩未到橐泉宮

題庾元圭南樓圖

闌干百尺俯晴漪  
煙月空明落酒卮  
秋入風雲巖部曲  
夜寒星斗動旌旗  
江山半壁烏啼後  
絲竹中天石裂時  
此老清狂原絕俗  
王郎休笑扇塵緇

秋思

梧葉翻風警晚涼  
明星簾戶木樨香  
畫樓夢遠關山近

秋水天高客路長  
翠袖自憐班女扇  
銀荷閒照莫愁堂  
虛奩眉黛青溪影  
燈損螺峰忍對妝

寶蓮垂蓋柳成陰  
月露闌干繡閣深  
窗曳叢鈴檐馬語  
盤跳漏箭水龍吟  
蘭鈿香墮瓊瓏玉  
菊佩聲移絡索金  
欲寄回文眠未得  
燭房風細夜沈沈

題福王夜燕圖

夢裏揚州入戰場  
秦淮煙月正飛觴  
外廷畫輦徵歌舞  
中禁詞臣作棟梁  
金粉餘香天酩酊  
風雲殘局帝郎當  
酒痕王氣同消滅  
一曲春燈總斷腸

餘杭道中望天柱諸峰欲登未果

卷幔生空翠  
青山已在前  
遠村明積雪  
凍樹活炊煙  
城



小河爲郭時清吏亦仙洞霄宮不遠咫尺隔人天

游廣陵東園

丙申

東園絕幽曠山林面城郭雕牆蔓藤蘿脩徑墮筠籜池  
塘草已長濠梁水初落巖崖蔽綠陰闌隙燦紅藥迴檻  
引曲房複道架重閣鳥聲隔畫屏人影鑑晶箔屢進奧  
愈闢乍卻視轉愕桂坡足留人梅嶺堪試屨倬茲造化  
工疑有仙靈託竹西號繁華黃金斗銷鑠嗟此十畝園  
已類五丁鑿財賦日匱竭元氣近耗削鹽鐵敝成規河  
渠域近略興利弊更滋節流源早涸盛衰不須與蕭條  
到林壑華堂輟管絃朱扉每局鑰搔首悵登臨饑禽下  
叢薄

桃花庵謁唐六如祠卽效六如體

桃花居士花爲天一尊花下春陶然花開日與酒相對  
酒醉還向花中眠無花無酒成枯禪有花有酒卽神仙  
有酒無花酒不韻借酒賞花花愈妍花香得之風月裏  
酒趣妙在山水間酒酣作畫狀花態賣畫怡得買酒錢  
花見性情酒肝膽願酒如海花如田中山一醉一千日  
瑤池一春三千年人生得此樂復樂役役塵夢吁可憐  
魏其車馬似流水霍家高冢像祁連功名富貴亦俄頃  
王侯將相何有焉不若先生隱花酒鄭虔三絕今猶傳  
危亭廢館倚落日載酒時有看花船我從江南到江北  
以酒酌君桃華前桃花已落居士老酒魂不醒花無言



渡黃河

春色過江盡莽然銷客魂風聲驅地走沙氣逼天渾轉  
漕愁飛渡防秋重列屯平生萬里志直欲訪崑崙

順河集夜發

平野荒荒月色多郎當鈴鐸走疲羸夢中才過江南去  
滿地西風喚渡河

圯上懷張子房

荆卿匕首漸離筑博浪沙椎更神速匹夫兩莽犯天子  
來如鷹雕去鴻鵠黃石老人笑俯首勇則有餘智不足  
人生養氣先讀書手編乃出秦火餘折其鋒銳始可用  
役使豪傑如傭奴圯上恂恂効奔走昔日龐豪忽烏有

能發能忍真丈夫將相神仙此樞紐一椎不能斃祖龍  
一履蹴碎咸陽宮少年舉事天地動晚歲辟穀煙雲空  
赤松去後仙蹤杳古渡平橋但芳草世外應多未見書  
人間孺子虛心少

滕文公廟

諸侯戰氣莽風雲仁政猶能靖寇氛齊楚之間居弱國  
春秋以下此賢君先王道法師鄒嶧亂世規模酌夏殷  
天意若非周德厭七雄兵勢漫紛紜

車中望嶧山

山勢徐州來龍脈蜿西指蒼然百里外鄒嶧已隆起黛  
色過雨潤石氣入雲紫



倫全太始既立羣岫表秦嶽想具體千仞倘振衣萬象  
早俯視塵鞅惜恩恩高山徒仰止

亞聖祠

戰國輕仁義誠淫日蔓延先王道墜地夫子力回天絕  
學承三聖斯文寄七篇長留剛大氣終古塞山川

東平道中口占

萬疊蒼山列畫屏馬頭鞭影指郵亭客中未識春深淺  
只覺垂楊比昨青

憤王墓

繡衣歸去失關中百戰山河屬沛公猛士負恩資敵國  
美人誓死殉英雄漢宮秋老銅駝雨魯邑春寒石馬風

勝敗須臾何足論亡秦還仗大王功

曉發苦水鋪

野店斷鶯語荒雞如送人淡煙樓遠岫微雨伏輕塵倦  
僕閒思臥疲驟久更馴迢迢鄉國夢宛轉逐車輪

易水弔荆卿

高臺峩峩卓燕市悲風蕭蕭動易水死馬千金況死士  
死士終能死知己荆卿何人酒徒耳冷醉高歌自悲喜  
忽然感激許太子徑欲西行刳秦始哀筑蒼涼聲變徵  
尊俎臨歧壯士涕將軍頭顱髮結齒夫人匕首雪繞指  
擊柱不中怒未已頸血猶沖白虹起劍術靡疎豈足恃  
義士之報乃如此嗚呼義士之報乃如此何物黃金令



人死

出都感懷

愁絕尊前懊惱歌一年春事暗消磨杏花細雨疎簾隔  
桃葉東風別院多素手未諳依樣錦翠眉懶學入時蛾  
瓊瓏玉佩誰堪贈盡日微雲掩絳河  
草草芳華過眼新細車應悔入紅塵  
薜蘿道遠難爲別  
芍藥花殘不是春晚閣疎燈涼照影曉窗明鏡暗傷神  
天台自守神仙戒肯煮胡麻引路人  
顧影春流瘦欲仙早知顏色悞嬋娟明珠羞託良媒獻  
翠袖惟邀侍女憐蝴蝶繡成思好夢笙篴音苦感華年  
傷心不及盧家婦十五盈盈玉比肩

擬譜閒愁入素琴幽蘭淒苑有餘音  
浣紗門巷仍芳草飛絮樓臺易綠陰  
紫燕歸來春寂寂青鸞飛去信沈沈  
寶珠壓線尋常事難慰桑榆阿母心

傾脂河曲

河中之水珊瑚冷河上妝臺猶倒影煙波一鏡膩成雲  
隔岸桃花紅不醒憶昔夷光聘若耶臨流顧影豔如花  
珠簾滴粉成酥雨鈿閣凝香暈落霞河光曾照傾城面  
一去五湖春不見天涯多少浣紗人可惜蓬門顏色賤  
流水盈盈日向東綺羅荒盡鳥啼風赤闌干朽無人倚  
時有閒鷗問落紅

菱花



在日精言集卷之三  
幽姿媚芳渚風過遠生香數點雨中醒一繩煙外涼淩  
波誰照影對鏡未成妝采采碧雲合美人秋水長

送燕

江南冷落舊芳菲客路微茫問夕暉豈有鱸魚引鄉夢  
秋風一著便思歸

雜感

嚴寒動清曉園林知有霜凡卉忽凋敝梧柳亦已黃當  
其暢茂時含華吐芬芳陽和溥德澤掩映生輝光雨露  
詎不厚質薄物乃戕卓哉陶徵士獨愛黃花香  
弱冠重肝膽慷慨歌寶刀酒酣仰天宇氣薄秋穹高朔  
風動邊草征馬一何騎呼鷹上層臺原野曠蕭條浮雲

礮天末使我心鬱陶流光坐奄忽壯懷耿不銷中夜撫  
長劍北斗光搖搖

越人貢珊瑚光采灼星辰珠崖育玳瑁詭麗無與倫異  
產奪嗜好昔人斥勿珍豈必樂簡陋懼擾蚩民海外  
有奇貨聲價值千緡鍛煉土氣息呵吸通精神愚者或  
溺此往往戕其身貿販計重利貨緣通關津中原洩寶  
氣黃金散如塵禍亂伏隱微所患不獨貧何當清本原  
還我民風淳

我懷苦抑塞悵悵復南還老親幸健好失意亦歡然聞  
闔忽臥病牀幃頗纏綿貧家重伉儷百事賴分肩我生  
本落拓門戶費周旋匪直兒女私恩誼良獨堅誓求鍼



藥效精神倍從前好事翁與姑毋使心憂煎  
鶴翔必遠勢驕騁無短途盤旋足精氣逝與風雲俱守  
重往亦順養深動始殊今人喜輕提輒復笑其迂在卑  
世弗貴處近衆豈譽感此坐太息自信徒區區

秋日田家雜詠

穫稻

西風八九月積地秋雲黃力田已告成計日宜收藏刈  
穫須及時慮爲雨雪傷農家終歲勞至此願稍償勤苦  
守恒業始有數月糧嗟彼豪華子素餐屢膏粱安坐廢  
手足嗜欲毒其腸豈知民力艱顆米皆琳瑯園居知風  
月野居知星霜君看穫稻時粒粒脂膏香

舊穀

檐際噪乾鵲晚來天氣清穀燥已可礱場圃及新晴蟄  
龍未出穴曠野殷雷鳴笑語隔籬落約略辨其聲篝火  
照昏壁人影圍寒更野叟驗稻色老眼頗分明輸租必  
嘉種勿與官吏爭粗糲雖不飽少食亦養生守分鮮厚  
利但祈歲豐盈

春米

盛時無重稅課納心始安官取近增益爲言轉輸難今  
歲稍豐足餘米尚可餐宵春不厭瘁童叟皆喜歡前年  
苦荒歉往往炊煙寒不聞鄰舂聲但聞兒啼酸皇天憫  
凍餒元化時造端循環復生氣使我家室完欣然治杵



白及此夜漫漫清響搗寒月霜落村鐘殘

寒柳

津門送客向青青閱盡勞人長短亭驢背有詩皆黯淡  
蛾眉見嫉便飄零江湖滋味嘗應慣羅綺韶華夢易醒  
張緒當年最風韻可憐絲鬢亦星星

數點荒鴉宿晚煙臨流無復影娟娟六橋晴雪還飛絮  
十月征衣待寄綿南浦離魂隨斷雁西風殘曲畢寒蟬  
如何一樣靈和種但逐蘆花傍釣船

腰肢憔悴倚斜陽相望依依總斷腸虛擲黃金買春夢  
可能青眼媚冬郎芙蓉池沼沈沈雨鸚鵡樓臺淺淺霜  
莫問舊時歌舞地美人三五嫁王昌

年華逝水太恩恩吹老江南玉笛中自惜芳華非舊日  
尙含生意待春風畫樓燕去秋如夢野店烏啼月在空  
擬譜神絃迎九烈早添新綠送花驄

蕉坪從兄鍾本櫬歸自洛詩以悲之

悲風颯颯動靈旗落葉依依返故枝魂魄有情還戀女  
親歸之次日即親朋易冷況無兒步兵痛哭窮誰告吳

質憂傷病豈治貧賤遂成生死別流離偏在太平時

浪迹天涯歲屢更當年悔不阻長行救貧無策慚兄弟

垂死難歸累友生時查青華明府羅靜岩行篋殘書封

誌在征袍斷線淚絲成淒涼些些招魂祭莫使江湖風

浪驚



述懷  
丁酉

我來自淮上載拜漂母祠王孫不可見芳草何離離國  
士世所重富貴始見知當其淪落日儕輩擲揄之窮居  
損意氣失路鮮英奇婦人豈讀書乃識非常姿一飯詎  
足數難在貧賤時愛才屬巾幗千載令人思  
郁郁蘭蕙花幽姿媚空谷處之塵土中往往滅清馥豈  
伊素性改所居使之濁託根苟不高衆穢動相觸美質  
貴自珍君子防失足

明月何皎皎照我梅花林美人起中夜哀怨撫瑤琴絃  
絃動如訴感歎託微吟自言少年時一笑千黃金蛾眉  
忽見嫉芳華坐銷沈固寵非妾意君恩亦良深所嗟絃

上曲不作歡娛音好風或相送萬一動君心

岳倦翁銅爵歌

鄂王盡忠倦翁孝尊酒淒涼奠斜照此爵千年神所憑  
青銅剝蝕常光耀五國城中歸信絕胡天黯淡餐冰雪  
惟王忠憤冠諸軍渴來誓飲羌奴血擬補金甌盡赤心  
誰知銅箸謀長舌生不能飲黃龍府有酒惟澆墳上土  
空山石馬怒嘶風古井銀瓶寒咽雨敦槃金帛早和戎  
鐘鼎勲勞翻對簿荆棘銅駝泣故宮佞臣鑄鐵嗟何補  
一勺寒泉賦大招西湖山色淒尊俎吁嗟平鑑曲冬青  
蔭寂寥天陰月黑鬼神朝諸陵麥飯無人祭攜榼年年  
過段橋



送僕

我僕忽不懌上堂謝主人言當遠離別惻惻傷我神念  
僕依我久胡爲中道分問僕何所苦問僕何所嗔僕亦  
無所苦僕亦無所嗔僕昔從長官豪華無與倫門庭爛  
成錦流水轉車輪黃金集昏夜結納頗有因多財不自  
用使僕爲均勻膏粱厭僕口紈綺衣僕身今從主人游  
艱難歷關津馳驅數千里失意歸海濱家徒四壁立緼  
袍敝不新交遊但文字富貴鮮與親主人自恬淡僕志  
苦不伸願主早富貴還來酬主恩僕去勿復道僕言亦  
真真善自擇新主慎勿加吾貧

漫興

涼風激平野秋氣使人悲感慨生芒角蹉跎惜鬢絲故  
山容寄傲行篋但餘詩草道歸來速門閭已覺遲  
遠客多鄉夢還家恐未真八門才一笑無恙見雙親行  
色憐憔悴慈顏慰苦辛征衣久未浣上有玉京塵  
日落暮潮動壯心殊慨然著書還閉戶看劍每思邊月  
靜魚龍夜風高鶴鶴天升沈無定象感此不成眠  
樹老江南屋金空冀北臺固窮非樂此隨分亦悠哉紅  
葉晴相照黃花冷自開貴人書懶寄恐使野鷗猜  
盡道東南地從來財賦區歲豐差足食穀賤稍充租鼠  
雀爭膏血鰥癯病轉輸正供原有定多取慎錙銖  
僧寮松雨潤道院藥煙香杖履陪諸老琴尊坐夕陽投



閒拋歲月懷舊感星霜髀肉愁消盡悲歌漫激昂  
風日園亭美閒居逸興超林疎見鼠跡水淺察魚苗竹  
影通幽徑蓉香過野橋亦知高隱樂未免負羲堯  
西北長安近寒雲極莽遙知京邑樹已落薊門霜撫  
序頻看鏡登高且盡觴盛年空自愛搔首獨徬徨

子夜冬歌

依依望歡來草草與歡別歡去無幾時梅花已如雪  
明月照層冰瓊瓏見清影妾心明月知歡意同冰冷  
錦被繡芙蓉花枝嬌可折不辭妾手寒要使歡心熱

計偕北上感賦

戊戌

我年已三十親年逾七旬詎不樂侍奉菽水傷哉貧馳

驅冀祿養上堂別雙親憐子有行役鬱懷苦不伸慮沮  
遠游色歡笑頗非真明知齒髮脫自言好精神男兒志  
四方令名乃所珍慎勿守門戶安樂溺其身舟行多風  
波陸行多風塵回頭語僮僕途路忍艱辛含淚不敢灑  
就道始沾巾

阿兄走相送欲行重遲遲艱難付家計瑣屑雜公私高  
堂近衰邁晨夕善扶持食貧亦良苦門戶賴強支兄言  
弟努力弟意兄所知業知不待囑往往重言之離懷自  
愴悵諄諄亦奚爲

旭日照高樓明鏡掩清曉依依臨別辭惻惻動懷抱結  
綢今十載離多苦會少脂車駕言邁再上長安道長安



行樂地雜感易滋擾窮達有時命歸期定須早青春易  
晚晚芳華豈常好不思妾顏衰當思親顏老

月下渡太湖

今夜一輪月送人千里遊濤聲去不已客夢與之流春  
水欲無岸遠燈疑在樓年豐盜氛熄絃管起吳謳

雨中過惠山

濛濛鄉樹隔渺渺去帆輕雨氣淡遙岫炊煙醒遠城平  
蕪如送別新柳迴含情勝地懷高隱梁溪春水生

丹陽道中

飛鳥送桅檣煙帆赴渺茫孤城倚流水一塔表斜陽高  
岸有山意遠林如畫蒼春風最無賴容易綠垂楊

江口候潮

數聲漁笛隔滄浪未許蒲帆十幅張潮信不來如候客  
去程方永敢思鄉畫中遠樹含生意鏡裏諸山學曉妝  
安得髯蘇一尊酒銅琶高唱溯流光

渡江

三峰對出勢峻嶒跌盪江流萬馬奔城郭至今誇鐵甕  
樓船當日下金陵蕪城明月南朝曲瓜步繁星半夜燈  
莫道長江恃天塹古來形勝未堪憑

晚泊瓜州

落日晃沙汀疎鐘出山寺樓臺隔昏杳煙樹轉蒼翠帆  
約暮雲歸燈雜遠星碎今夜夢江南獨枕寒濤睡



廣陵弔史閣部

沿江烽火怒濤驚半壁青天一柱撐羣小已隳南渡局  
孤臣尙抗北來兵宮中玉樹徵歌舞陣上鞞刀決死生  
留得歲寒真氣在梅花如雪照蕪城

憩湖上草堂

寺門流水綠迴環人在空濛煙翠間載酒未捐名士習  
題詩翻羨老僧閒壁間靈根開  
士詩甚佳臺宜玩月春如畫牕可  
留雲晝不關絕似西湖樓上望只須牆角補青山

登蜀岡平遠樓

樹杪迴廊曲折環飛來秀色落禪關春風綠盡淮南草  
遠水青浮江上山隋苑煙花猶綺麗廬陵鴈詠好追攀

腰纏騎鶴何時遂塵鞅怱怱愧未閒

平山堂晚歸

碧雲乍合暮天平衣袂輕寒漸漸生遠岸不山偏秀折  
畫橋無月亦空明柳邊簾卷浮燈影煙外船歸辨櫓聲  
聞道繁華近銷歇吹簫猶有麗人行

露筋祠夜泊

渺渺煙波動古懷蕭娥靈蹟未沈埋冰心只許清流鑒  
不遣黃河水入淮

水明樓閣月籠沙素羽霓旌隔暮霞三十六湖煙翠暝  
夜船燈火起神雅

晚抵南沙河



西風如海走黃沙疲馬荒郵落照斜閒裏看山如對友  
倦時投店勝歸家平原草盡難飛蝶野樹春深但宿雅  
襟被安排鄉夢穩休將豔曲付琵琶

夜半從舊縣出山

旅寐無竟少披衣酒未醒出門霜氣高殘月在峰頂籠  
鐙照幽險驅馬踏荒冷下阪如奔流上坡若懸縋身受  
物顛倒魂夢不能靜幽鳥一何閒啼聲出松影

曉渡永定河值大霧

春陰黯不消澹日遲未上平沙接混茫遠樹辨恂隔  
煙人影微蹴浪馬頭仰淺水膠我舟去岸倘逾丈大車  
陷泥淖小車脫鞴鞅叫號併衆力推挽始一上客子苦

褰裳背負出泱泱躋堙良可憂滅頂詎敢想行路誠艱  
辛涉險恃勇往幸得達彼岸我心責已盪浮名役身世  
塵勞孰爾強不見海上鷗春風正浩蕩

暮春集小有餘芳感念舊遊并懷亡友許金橋

煙草滿地春綠肥惠風冉冉吹我衣燕臺三月芳事盛  
落花蝴蝶隨人飛尺五莊前新柳細海棠紅到花之寺  
繡轂爭尋賣酒帘香塵暗逐連錢騎對花命酌朱顏醅  
雛鶯乳燕宛轉歌中年絲竹哀樂多我心善感非由他  
酒闌忽憶前遊侶萍水飄零幾人聚論交千里應風雲  
彈指三年惜時序丙申暮春同孔鑄山秦澹如潘惺齋  
絳庭昆季梅伯言張亨甫姚梅伯高  
已生諸君燕集於陳跡轉瞬尤可悲許渾已趁天風歸  
此今聚散各半



平生愛我入骨髓子今長別知我誰昔年聯轡常遊此  
今我重來君已矣欲傾杯酒奠郊原惆悵詩魂呼不起  
噫吁噓聚散恩恩劇愴神暗將熱淚灑歡辰不知明歲  
看花會此地重遊更幾人

上巳日

家大人集老友家園禊飲命賦

己亥

春風幾時到高樹已流鶯佳日氣和暢閒居心太平賓  
朋無世態觴詠有歡聲卽此微天趣聊移物外情  
去歲長安道垂楊綠馬頭韶光纔一瞬清夢又孤舟花  
落非春意金空成浪遊陔蘭欣可采聊解倚閭愁  
淺草通遊屐繁花媚客衣悠然見生氣相與惜清輝水  
暖魚苗長林疎燕子飛呼童掃磐石小坐亦忘機

脔割煙中筍香壺雨後純莫嫌家釀薄亦見野風淳修  
竹陰廊檻斜陽淡水濱清談堪卜夜風露不宜人

馬頤孃神絃曲

棟花庭院春陰悄殘夢沈沈月初曉戴勝桑田拂羽來  
羅敷柘館臨妝早陽春三月正和融蠶信吹來約略同  
何處催花初擊鼓誰家采葉乍提籠中婦長眉山壓翠  
小姑脂澤天然媚紅裙掩映拜風前以酒樂神使神醉  
神醉我酒神喜歡使我力健蠶平安神醉我酒神歡喜  
使我買桑賤於薺願神賜繭滿筐筐使我繭敬娛君王  
願神賜綿滿箱簍使我衣裳煖姑舅我有新詞爲神譜  
我有靈絃爲神鼓神之來兮茶靡雨流鶯爲歌燕爲舞



神之去兮櫻桃風酒顏欲與花爭紅願神常醉蠶常好  
扶纈家家春不老

南湖舟次賦新綠

波光樹色兩冥濛一鏡春陰掃未空別路但隨芳草遠  
畫樓略許夕陽通亭邊帆影微留白水面脂痕漸失紅  
誰唱鴛鴦三十六棹歌聲在碧雲中  
層層涼翠壓湖心約略樓臺出遠林吹盡東風春似客  
歸來西子葉成陰煙昏萍末漁莊暗夢隔楊花水閣深  
惟有閒鷗最明白去來蹤跡尙堪尋

餞花詞

慙慙芳事最銷魂狼藉殘紅晝掩門嘯盡鷓鴣留不住

一天微雨送黃昏

急管哀絲動遠愁強扶殘醉獨登樓夢中煙草茫茫綠  
忽憶羅裙陌上游

題覺庵上人倚松圖

老幹翳層陰微颺颯幽爽濤聲起太空翛然墜煩想我  
師無熱顏白雲恣供養聞鐘悟靜機返鏡得真朗嗟我  
風塵客閒愁動相網對茲心地清乃使佛性長鶴趣淡  
更真蟬語寂逾響茗醉坐忘言松花落琴幌

京邸秋夜聞笛

庚子

何人倚長笛吹作水龍吟哀樂中年感關山獨夜心漸  
驚秋瑟瑟況對月沈沈此調淒誰和空閨憶搗砧



雨

庚子夏六月淫雨苦不休檐溜瀉懸瀑路渠成飛流我  
齋多草木蕭然如深秋客從故鄉來道滯苦淹留爲言  
鞍馬勞蹴浪同行舟江南禾黍地半爲蘆荻洲穀價漸  
騰躍坐使居民愁念我出門時生氣滿田疇奄忽僅數  
月景象何不侔況值海氛起列艦森戈矛帶甲三千人  
溫飽庶無尤軍輸良不易歲歉烏能周居安鮮遠計未  
事誰先謀南望獨搔首惻惻多煩憂鄉思正無極雨聲  
遠颼颼

聞浙撫督師海上

砥柱東南倚防秋竟若何孤城喧鳥雀大澤走鼉鼉

時定

詩失

及早揚兵氣中流聽浩歌敵氛猶未熾先發莫蹉跎

健兒輕性命驕悍最難馴孰是能爲將先令不殺民瘡  
痍勞撫馭壁壘見精神所過皆安堵知公警察頻

夙昔承恩者何人勇報

君艱難求一將慷慨激三軍已挽南天月旗翻北海雲  
纓槍須盡掃小勝漫論勲

出水鯨鯢困登山虎豹雄用長先誘敵得勢乃論功洗  
甲千山雨移營萬幕風莫深

宵旰慮早奏捷旗紅

京邸秋感和祝瘦梅同年

葆慈保陽寄懷韻



紛紛捷報奏平安

福建廈門連次告捷

跋浪猶留屬氣寒

嘆夷猶據定海

澤國烽煙誰破敵

天涯歌舞漫尋歡  
渡江壁壘三軍肅

我兵守鎮海甚嚴

橫海鯨鱗一將難  
獨向南雲搔首望幾時定

策勝樓蘭

風雨誰牽補屋蘿  
買山心事已蹉跎  
八旬父母衰年迫

半世文章曠日多  
客裏閒愁消白墮  
夜深歸夢渡黃河

長安絲竹中秋月  
贏得尊前激楚歌

題小青便面

照影春波自歎嗟  
鏡中憔悴惜芳華  
蛾眉例入傷心傳

不是東風妒落花

題許金橋遺札

自出春明道相思  
各一天竟成終古別  
留得斷腸賸意氣  
空儔輩文章誤少年  
平生知己淚誰與寄重泉

題楊龍友畫扇

一冊煙雲墨未殘  
板橋流水碧雲寒  
南都王氣銷磨盡

留得青山畫裏看

二月東風散柳塵  
波光如鏡草如茵  
桃花扇子都零落

忍憶秦淮舊日春



倚晴樓詩集  
卷三  
三

倚晴樓詩集

卷四

吳江嫗 辛丑

海鹽

黃燮清

韻甫

征帆自北來晚泊吳江湄邨荒景色冷老柳何垂垂扶  
筇誰家嫗見客意慘悲自言農人婦力田頗有資今春  
苦淫雨阡陌成陂池菰蒲長四野種豆落爲蕒官吏急  
徵額輸租詎容遲大男被拘繫無由餽粥糜次男避追  
呼遠出歸無期他鄉苟溫飽所苦非流離我衰不自養  
溝壑理亦宜但恐親愛絕骸骨知我誰傷哉老嫗言使  
我心不怡憶乍經虎山畫舫連雲馳繁鐙奪明月掩映  
如花姿清歌侑豪酌韻以竹肉絲四座各自媚百媚銷



一厄咫尺有凍餒醉飽焉得知教養貴兼盡所望良有司

十一月朔日大雪

辛丑月在子層陰掩寥泚日氣凍不溫釀此連朝雪松柏無完枝菽麥斷萌孽巖壑自浩浩千里不可別側身望滄溟烽煙猶未滅戰士千百羣枕戈冰在鐵角聲慘大荒夜深氣鳴咽亦有離鄉悲不少新婚別君恩重挾纊戰守頗忻悅主帥慎進退出師貴有節憤兵古所譏覆車戒前轍時鎮海初失且復盡尊酒躁動非英傑玉帳何森森貂錦燦成列神仙在虛空下與紅塵絕居高有遠謨處卑鮮奇烈坐看銀虬飛鼓盪鯨鯢穴幾時陽和開

瘡痍起東浙搔首問穹闕心與愁雲結

廿四日又雪

積雪尙數尺寒氣鬱不宣天公好玉戲朔風興迴旋繽紛掩庭戶灑落平原田老屋仆比鄰凍樹折庭前東南財賦地翹首占豐年過多亦非瑞氣候慮有愆陰陽貴變理休咎不在天盛時念民瘼告災亦議蠲海國正多事轉饒義應先不愁民力微但願兵力堅用財期殺賊非以厚利權糜饒日數萬忍使珠崖捐黑夜收蔡州時會豈偶然羽書日東至胡爲賊蔓延貧骨苦凍餒富室淪烽煙流離在道路安能高枕眠何當掃陰翳白日中天懸衝寒走飛騎捷報來甘泉



沈可亭上舍

品嘉

贈紅梅一樹賦謝

凍雲壓樹木葉空園林日夕蕭蕭風故人爲我報春訊  
移來七尺珊瑚紅呼童埽徑帶雨種忽覺香氣浮簾櫳  
細幹結屈篆秋蚓仙姿橫逸迴驚鴻三尺四尺未消雪  
十枝五枝勁橫鐵可憐凡卉盡凋零獨讓茲花表芳潔  
丹心欲與嚴寒爭不使人閒生氣絕風流崛強總天然  
美人顏色忠臣節海國蒼涼鼓角哀草木亦受冰霜災  
驛使江南走羽檄馬頭不寄春風來時艱絕少後凋質  
眼中富貴誰奇才玉樹瓊花縱珍異未經歷鍊非良材  
匡時無策但搔首笑顏暫對梅花開休文瀟灑世無兩  
絕似梅花氣疏爽羅浮移贈寄相思紙閣文窗勞夢想

植土欲厚根欲深不藉吹嘘自長養明年玉遂散邊愁  
一曲紅羅待君賞

題沈痠生大令

起鰲

延清園圖遺卷

去歲征帆出虎阜盤火元宵醉尊酒得見延清水榭圖  
先生妙筆真無偶臨行贈我畫中山欲換新詩弁其首  
今年失意歸海濱先生羽化離紅塵一別春風感今昔  
煙雲幻迹皆非真令子文采絕類父愛惜此卷逾常珍  
索我題詩踐陳約重覽遺墨傷心神數峯插天青可挹  
中含白雲氣猶溼下有流泉動鳴咽萬荷花上秋聲急  
門前鷗鷺望歸帆抽身宦海嗟何及蒼梧秀竹迴含愁  
拂露零煙慘如泣近時吾邑寫山水妙手獨讓城南李



乾修先生畫筆亦殊絕簡峭沈雄各行是半生薄宦老  
江南畫意分明戀桑梓秋來戰火陰吳天故山近與重  
溟連靈巒張帆怒濤立瘳蛟吹沫腥風旋三徑田園懼  
蕪沒陣雲咫尺橫樓船先生有靈定惆悵忍使後鶴愁  
烽煙流民滿地邊聲入惜少監門寫生筆畫中樓閣自  
神仙世外人家獨閒逸幾時劫火盡消除卻看春山笑  
面出

乍川紀事 壬寅

烈山一炬走春霆野哭千家不忍聽劫火近連鄉樹赤  
瘴煙遠失海門青夷艘入寇每乘陰晦孤城盡洩金銀氣餘燄猶  
畱草木腥差喜有莘賢相國暫修玉帛奠生靈謂伊莘農相國

弔關中卒

乍川之役夷從唐家灣登岸惟陝兵禦敵最勇旋因援絕被害獨多作詩表之

一旅熊羆勢已孤男兒馬革誓捐軀竟能殺賊先諸將  
直欲當關抵萬夫瀛海雷霆飛戰火函陵風雨斷歸途  
牙旗朱蓋人何處浩蕩

君恩報得無

寇退後張叔未丈招集八軀精舍卽事賦贈

道光壬寅月在已攜家避亂新篁里得與先生杖履親  
患難從遊倍欣喜先生愛古不薄今宏獎風流勵後起  
意興矍鑠逾少年交訂忘年不論齒落花滿地鑪煙沈  
午簾雨霽聞幽禽雪壁爭看有聲畫風篁時奏無絃琴  
古香撲人使人醉況有旨酒陶胸襟長鯨跋浪海氛惡



日日軍書警風鶴東南家室半飄零忍把閒情付杯勺  
民貧地瘠敵所憐差幸風雲過一霎今朝毒瘴淨諸山  
溼翠涓涓向空落九峯當戶含笑顏如送詩情上高閣  
未翁清儀閣可望川諸山所惜流亡未盡招尊前心事兼哀樂人  
生飲啄亦前緣華堂良會非偶然主人愛客篤且摯客  
既醉飽猶流連彈劍高歌聊快意烽火弗及皆神仙賈  
生歎息嗣宗淚杞人不達徒憂天噫吁噫妖星芒角尙  
南指將士投壺樂未已據鞍誰似馬將軍飲酒爭師羊  
叔子軍政何如觴政嚴我輩清狂醉亦是借翁之酒爲  
翁壽翁壽直與金石偶以酒壽翁翁喜歡竹田歲歲常  
平安翁所居曰竹田深處翁潭溪學士顏額

白馬廟紀事

并序

廟去鹽城約十里祀白沃使君像壬寅四月  
夷陷乍浦南趨海鹽道廟下夷酋躡而殞餘眾  
驚退僉謂愉悅中若有培之者吾邑以西因是  
得保噫禦災捍患神歆厥祀功亦偉矣哉敬賦  
長律以紀

孤城如斗倚斜曛滿地瘡痍絕援軍大壑波濤陰日月  
空山草木起風雲火攻但覺滄溟沸兵鬪遙從碧落聞  
異代英靈猶激發元戎及早策奇勲

秦漢瓦當揭本爲竹里王鉏園丈

福田題

函關紫氣淪烽煙南山宮闕犁爲田此瓦歷劫尙完美



秦漢明月今猶圓憶昔咸陽全盛日飛樓複道相鉤連  
丹霞照灼白日麗金碧萬象光燭天阿房窈窕矜創制  
脂膏圖畫爭新鮮楚灰未冷漢殿起建章宮闕連甘泉  
鍛鍊火土發精彩瓴甌燦爛明星聯五雲樓閣起歌舞  
否或縹緲求神仙長生無極徵吉語輦飛鳥革何踟躕  
轉眼繁華逐逝水紅羊劫換朝市遷金人夜泣銅駝死  
二陵風雨悲號鵠萬翼鴛鴦忽矯翅隨風飛落長城邊  
當時梁棟且烏有尺璧雖寶安能全天獨畱之驗興廢  
戰火陶鑄質益堅古來聖主崇儉德懼以奢靡誤後賢  
夏卑宮室唐茅茨未聞土塊窮雕鐫靈沼靈臺亦西地  
古有其制今不傳此瓦千秋示殷鑑豈惟好古供揆研

逸少風流擅淹博一考證資遺編摩挲拓本共忻賞  
十瓦可埒張八瓊謂叔未丈八瓊精舍請君造作題詩硯好賦蒼  
茫懷古篇

爲張叔未丈題明季東南三孝廉像

李潛夫

名確平湖人私識介節

蔽蔽高蹤繼首陽

先生貧甚魏叔子臆擬集同志爲呼

天難籲恨茫茫

先生著外史生無世事千塵吏鄉薦不一

名車騎過訪踰垣

其死有清風殉烈皇一代科名畱氣

節百年涕淚託文章

遺祠尙偕神靈護無恙青山傍戰

場作川失守濱海寺院皆毀

築端明

名鳴盛號崆峒嘉興人少孤事母至孝母死既合葬廬墓而居邑人私謚貞孝



偕隱歸來守墓門

先生夫婦偕隱有梁孟鳳皆橋畔識孤邨卅年

常灑思親淚

先生居永思閣以寄一第難忘養士恩老

屋寒煙收橘稅

先生墓廬之疏籬秋雨落匏尊繞屋種

實為尊鼎之屬有詩云剖心香自發到垢力須攻

朱竹垞太史魏尊銘目物微奚足貴重自高人置平生

忠孝皆千古

不藉文章光燄存先生遺稿散失存者無幾

徐侯齋

名枋長洲人抱西臺之節沒後家貧甚周子紫茂藻為先生作破墓葬

志節常畱竹石清

西臺如意動秋聲河山雪涕悲君父

風雨招魂仗友生

香草楚詞傳畫本寫蘭石善梅花鄧尉

訂詩盟先生有鄧尉草堂已換紅羊劫冷月寒泉不世

情先生舊有淵上草堂

讀周子潔墓葬徐侯齋先生疏敬題卷後

子潔忠介公次

子疏係鄉本現夢竹里張未翁家

徐君古逸民正氣卓江表豪傑際風雲斯人獨潦倒內

涵冰雪清外視冠蓋小多財損令名丈夫貧亦好介石

矢堅貞空山竟枯槁周老本清門意氣何矯矯招魂志

哀郢撫孤義存趙肝膽照古人文章激諸老潘楊真信

人覆巢翼雛鳥卓哉戴山人祠墓為營造潘太史朱字

楊先生无咎字震伯號易亭戴山人易字義仲號稼堂皆不避嫌怨卒保其真絕孤孫山人并為營葬太史有

潤上祠一疏動鬼神豈惟文字寶人生重交遊大節貴

通曉患難識性天死生見懷抱寶劍橫墓門麥舟贈遠

道古誼重太山今人棄若草此疏千載心光爭日月皎

燈昏不忍讀讀之悲風繞



雪浪石盆銘拓本次東坡雪浪石韻爲未翁題

羣邪蔽日浮雲屯華岳爲小崕嶠尊拳石何幸得知已  
巨眼特賞驅塵昏殘星隕地作明月夜深光燄騰江邨  
補缺無用空洗鍊女媧遺之在天門何年斧落巨靈手  
空山陰雨號精魂青蠅驥尾附公顯盆池丈八薤松根  
百折滌洞盡水勢無風亦縐煙濤痕壺中九華仇池石  
歲寒三友堪同論大書銘字五十六墨池巨浪驚翻盆  
盆今磨滅石轉徙此拓日少宜多存

偕陳湘漁

作敬

登鷹窠頂憩雲岫菴山僧以蔬筍

餉客

癸卯

春游及寒食齊色開清遠好山如揖客隔水青可邀紆

迴覓邨路宛轉延塘坳雜花媚遠樹羣松走驚濤白雲  
起蓬勃英英溼我袍飛鳥忽在下始知所歷高俯視西  
湖水一勺如醇醪東望海色紫戰氣猶未消臨風憶猛  
士使我心鬱陶山僧自閒適地僻無塵囂烹茶沸雪竇  
煮筍餉山僧世外有真味何用羅腥庖飽飯臥禪榻境  
寂夢亦超吾性本冲逸苦爲物所勞到此衆緣息人事  
嗟滔滔夕陽速我去出門見歸樵危磴下九曲叢竹鳴  
千梢此鄉可忘世故人屢相招買山夙有願金空安能  
豪何時遂初約笠屐同逍遙

宿錢氏湖天海月樓

高樓百尺俯空明新柳濛濛春水生薄暮漁樵閒入畫



感時父老坐論兵  
鷓鴣畱客山中住  
鷗鷺忘機世外情  
塵夢今宵應不到  
月殘酒醒有鐘聲

遊萬蒼山贈錢曉廷同年

聚朝

野草巖花寂寞中  
春來游屐幾人同  
長松晴挾蛟龍雨  
絕壑寒生蠚鼠風  
天外潮聲陰白晝  
山頭雲氣礙青空  
救時無策商樵隱

曉廷自號萬蒼山樵

可惜君家射海弓

偕曉廷游西澗

春寒山更幽  
雨過澗逾靜  
白日澗蒼松  
蕭疏作秋影  
我有素心人  
相攜陟蘿徑  
倚樹得畫趣  
面壁悟禪境  
飛瀑從空來  
紆折下修嶺  
碎石觸寒聲  
塵夢激使醒  
小奴亦解事  
攜鐺爲煮茗  
飲之澄肺肝  
怡然若有領  
薄暮聞樵

吟反照在峯頂  
南望高士湖  
湖光樹杪耿  
惜無皎月來  
坐看衆物暝  
唳鴉催我歸  
回首谿煙冷

偕湘漁登譚仙嶺

萬疊蒼松鬱怒濤  
冥冥寒翠撲征袍  
空山壁壘開雲宿  
時因防海添列營寨  
大海帆檣落日高  
春色可憐官道柳  
仙人未種武陵桃  
登臨無限憂時淚  
卻羨元龍意氣豪

四月初四日家叔霽青觀察

安瀾

招同袁雲谿大

令斯熊泛舟魏塘觀水嬉

老鼉打鼓蟄龍起  
鼓鼗盤旋萬夫指  
旌旗五色闕晴空  
倒卷雲霞出水底  
大船軒簸鯨跋川  
小船接疊萍泛汜  
坐看鱗甲現之而  
百樂飛騰向空使  
竹林同游興頗劇



座有袁宏亦奇士然照絕類温大真縱觀得無崔刺史  
須臾綵仗燠中流電閃煙霏疾風駛或貫袍甲驚天神  
或衣蘿薜嗤山鬼或吹玉笛降飛仙或鼓雲和近帝子  
賽船百餘更趨捷振柁移檣輕若紙船中健兒各袒褐  
跳躍歡呼自矜喜負重能顯舞幢力擲空巧試弄丸技  
奪標時逐野鷗翔飛父或中老魚尾一時勇藝皆絕羣  
擊節同聲歎觀止近聞海艦逼東南以火旋輪迅莫比  
我軍欲濟嗟無舟勝不能追敗輒靡吳兒弄潮好身手  
可惜逍遙寄煙水曷不鼓浪乘長風直到扶桑挂弓矢  
丈夫封侯豈有種若輩羸豪或輕死胡爲角還在泥沙  
豈識烽煙近尺咫噫吁噫公等兒戲何足齒棘門霸上

亦如是

小暑日竹里王芭亭茂才

逢辰

招集淨相寺宜晚

堂啖橋李會者六人薄暮返竹里復飲同年曹淡

秋鎮定

寓齋越日抵家得詩四章寄贈芭亭

仲夏構李熟願願紅霞鮮故人招我遊謂宜小暑前欣  
然冒雨往同泛丁溪船薰風頗解事霽色忽滿天新漲  
活遠翠橋影低可穿鳴榔出樹底蕭森疑在煙路迴見  
寺門臨水紅牆偏繫纜市邨酒驚起閒鷗眠

野寺息塵囂綠陰正停午禪房綠且深小坐輒忘暑亭  
亭垂檐樹疊疊實可數王郎絕狡獪逢僧百詞嫵意在  
賺佳果不求使自與同人察其微匿笑掌或撫值貴衆



所珍質賤世弗取嗟爾天上根豈識道旁苦

西房李最盛開筵宜晚堂土瘠花愈實味之如瓊漿西

子經一指爪印猶芬芳葡萄昔入漢荔枝曾貢唐微物

擾天下禍權存微茫

盛時恤民力珍異卻遠方此果縱仙品只供山人嘗如

何戰氛起反爲禁米糞誰當橫海去銅柱標扶桑借箸

鮮良策搔首徒傍徨杞憂亦何益且復盡一觴

酒酣別寺僧出門夕陽紫一葉破空濛疏鐙見水市更

作西園遊夜闌客始起平明理短櫂贈別更投李歸以

奉高堂次乃及昆弟分潤暨友好餘甘悅稚子有美勿

自私清芬各在齒黃金韞囊豪不出使人鄙取廉用則

宏萬事當如此聊申永好懷作詩報知己

### 哀孝女

孝女垂髫能事母母病不離母左右女善烹飪供母餐

女愛種花博母歡母病方作女憂始母病既瘳女色喜

女心憂喜視母身心憂心喜皆天真造物冰霜試奇節

堂萱無恙庭椿折女生事母死事父誓捐此身酬罔極

殘鐙閃閃月在門北風吹簾搖斷魂悲腸夜共寶釧折

黃金刻劃心肝痕以女吞釧人間事母有兄姦地下追隨

女亦好生無一日暫離親死有千秋不爲天吁嗟乎文

臣死諫武死戰至性激發風雲變近來氣節亦凌夷赴

義從容殊罕見鬚眉所怯女力爭上與冥漠通精誠孝



女名璵字儀貞袁氏望族家華亭女不讀書不好名心有所重身乃輕卓哉大節何錚錚草間苟活非全生

海上秋感

朔雪炎風隕大星南天銅柱近飄零潛蛟涕淚珍珠貢  
凡鳥文章翡翠翎蕙苾香隨征駒遠芙蓉煙帶暮潮腥  
鯉魚不爲強弓徙始信昌黎筆有靈  
雷動舟山鬱戰氛畫船談笑策奇勲美人環佩歸滄海  
大帥旌旗隔暮雲萬里煙濤鷗鷺約一江風月鵝鵝軍  
潛師搗穴非難事忍使蒼生玉石焚  
瘴雨連山白日沈西風海色逼天陰一軍背水無生理  
三帥焚舟有死心振臂難呼兵氣短畏瘡猶戰陣雲深

嬰城辛苦賢司牧留得殘軀百鍊金

玉帳森嚴士不羈壞雲頽壁海山搖消除綺靡紅羊劫  
跌盪英靈白馬潮生縛左賢心報國死爲厲鬼氣干霄  
右師無恙全軍返坐看長鯨跋浪驕

野宿貔貅萬竈屯酒酣下令奪崑崙丁男白骨沙場賤  
子弟烏衣幕府尊閒道出奇接虎穴在淵无咎羨龍孫  
偏師亦是威強敵惜未生禽賀洛渾

馬謖登山計總非全師宵遁偃旌旂孤軍絕援忠魂殉  
萬幕移屯戰騎歸禹穴龍蛇秋欲動曹江烏鵲夜驚飛  
梅花落盡清谿嶺曉月蒼涼入翠微

昨夜西興羽檄過甘泉捷報走明駝蛟門鎖鑰防秋少



麟閣衣冠八畫多聞道

至尊猶吁食寄言壯士莫長歌  
婆留弓矢謗神勇咫尺龍湫已有波

犀甲三千鎮怒濤畫旗朱蓋九峯高  
受盟直欲憑單騎橫海誰能策六龍  
人去蘆中秋黯澹營荒柳外月蕭騷  
潼關健卒猶輕死曾向天風挂戰袍

叱咤雷霆氣鬱盤東南宿將老登壇  
抽刀誓死從光弼請劍無人及賀蘭  
馬革招魂新鬼泣豹皮畱采後人看  
雲車風轡應來往夜半神燈照海寒

懸軍深入敢橫行鶴唳江天草木驚  
龍豬潮逼瓜步水金焦煙障石頭城  
風波激盪南朝寺雲氣銷沈北府兵

廿四橋邊好明月玉簫都作斷腸聲

擊節中流一慨然牙檣繡幕影江煙  
將軍決勝周千里丞相攻心計萬全  
尊酒從容酬陸抗圍棋閒暇走苻堅  
諸酋羅拜非要約雨露能濡化外天

聞道東南息戰爭粉榆蕭械尙秋聲  
老魚吹浪腥城郭疲馬嘶寒厭鼓鉦  
絕域功名思衛霍高臺文酒弔韓彭  
青天萬里浮雲散好注銀河洗甲兵

八月十三夜任硯雲大令

沛縣

朱葆青孝廉

源慶

陳琴齋孝廉

其泰

李乾齋茂才

修易

集家園陔南

水榭賞月

甲辰

燕臺明月送征鞍

任君同伴人都朱陳二君又同出都

今夜清輝共倚闌



在日村言集 卷四  
照水簾櫳如畫靜近城煙樹當山看堂前蟋蟀憐遲暮  
江上芙蓉識早寒玉宇無聲秋思闊滿天星斗正闌干  
風吹弦管動瀛洲綺陌芳塵憶舊遊寶馬連錢花外路  
玉人團扇鏡中樓虹橋上接清虛府銀漢高懸寂寞秋  
一自空山歸獨臥大羅天遠不勝愁  
星辰上界夢迢迢杯酒閒將磊塊澆十樣蠻箋裁翡翠  
九華仙佩想瓊瑤蘇娘機杼迴鸞字秦女樓臺引鳳簫  
同是嬋娟好顏色燈前甘苦且分消  
銀箭催更夜易深冥濛香霧藹園林幽篁露灑珍珠淚  
殘桂風飄絡索金水檻空明魚影動燭房窈窕麝煙沈  
明朝勞燕東西去千里還應照素心

重九泊乍川偕楊西麓孝廉 鍾穆園茂才步  
崧海上散步

風日重陽候人煙劫火餘晴空摩鵲秋汛伏鯨魚扼  
險金湯固防危玉帳虛乘槎誰擊汰晚唱動歸漁  
往日欖槍熾經年草木腥孤城淩莽蒼廢廟鑠英靈霜  
老嘯烏樹風悲落雁汀陳山無恙在還傍戰場青  
漸集流亡眾重遊浩蕩天梯航徵禹貢歌舞及堯年警  
夕還刁斗迎神自管弦邊烽知已息不復見戈船  
舊雨聯幽賞寒濤送夕曛樓船三島路壁壘九峯雲填  
石憐精衛揚帆憶少文身閒無用處且狎鷺鷗羣

陳山登高



九月九日霜天空落葉如雨蕭蕭風好山歷劫幸無恙  
曳屐直上青芙蓉前年戰火逼海瀝龍湫一勺浮鴻蒙  
老魚吹浪作人立鼓聲夜徹馮夷宮是時戰守頗有備  
指揮決勝須元戎甲盾五千詎云少何爲散落成沙蟲  
壞雲頽壁上氣墨樓船一炬青山紅萬室流離走相避  
哭聲上達聞蒼穹卽今兵火已銷歇人煙漸密秋禾豐  
安不忘危古所戒智士識遠毋苟同道謀紛紛議善後  
空壁亂疊層雲中王公設險制中外匪直壯觀高垣墉  
糜金百萬豈得已孰敢矯誣貪天功亂離如夢忍追憶  
中野尙有哀嗷鴻鵠饑滿地戰血紫如見燐火燒丹楓  
登高茫茫集百感帝座呼吸何由通側身東望獨搔首

海月恰挂扶桑弓

秋暮憩卷勾園贈劉瑞圃丈

湖

荷花池一鏡

開在乍川城

秋水到門前孤櫂停寒碧疏

林指夕煙來逢黃菊綻情與白鷗聯物外資幽賞因之

息眾緣

會心不在遠市隱足徜徉滿地桂花影一簾秋夢香主

人同北海名士傲南陽欲賦小園勝無才愧庾郎

頻年風鶴警兵火照松關獨此神仙宅長畱天地閒樓

高延海月城缺補秋山合繼潛夫隱谿雲盡日閒

平生邱壑志強半誤浮名倦翮竟安適素心常自貞清

流洗塵鬢片石悟詩情海鶴能留客還來証舊盟



倚晴樓詩集

倚晴樓詩集

卷五

海鹽 黃變清 韻甫

前明海上雜事得樂府八首

風櫃擒

登高城破巨浪無勝兵有勝將西來番船如雲馳結連  
海寇通諸夷撫之不馴拒則變議和議守皆權宜東南  
砥柱中流撐合圍請發諸道兵首襲鎮海港次逼風櫃  
城風櫃城高且堅中有霹靂車可以洞裂蛟門山亦有  
光明鏡可以下鑑不測之重淵大兵壓之勢何疾渠帥  
已縛高文律誰其主之南居益嗚呼南八男兒真罕匹

卓林掟

倚晴樓詩集

卷五

七



虞山崩嶽向空峙遊擊將軍應運起誓斬鯨鯢報主恩  
練卒三千皆死士徐海兵勢何蔓延翼以麻葉陳東船  
大隅薩摩相鉤連北掠瓜州南乍川襄懋能軍怯不前  
阮鶚庸材何足數遊擊一軍猛如虎橫刀策馬三里橋  
愁雲漠漠風蕭蕭大呼陷陣青山搖橋下戰血翻紅潮  
三戰三捷敵鋒靡孤軍無援敵心喜大星墮空遊擊死  
賜諡忠壯祠卓林龍蛇滿壁秋蕭森英風夜逐寒濤長  
激盪千秋烈士心

獻白鹿

萬騎合圍夜吹角不獻黃虬獻白鹿飛章人奏頌安瀾  
至尊歡喜鮫人哭中原角逐豺狼飛以黑混白嚴分宜

目之爲馬誰敢非上林惜無指佞草荆棘橫生蕙蘭稿  
鹿果能仙鹿不飽五色靈芝獻亦好

舟山雪

危磴盤空失寒碧北風滿天雪花積敵壘傳觴醉未醒  
笑倚冰山作盤石樓船合圍夜斫營列隊騰空勢辟易  
忽從海底迸驚雷倒卷銀虬上山脊萬炬融冰火其柵  
刃光雪光相映白髑髏模糊雪中赤玉掌擎天巨靈劈  
川貴健兒勇絕羣敢戰乃有俞將軍將軍兵法通易理  
變化從心臂使指紛紛豎子妄談兵臨陣讀書何足恃  
嗚呼將軍神武世有幾令人却憶平淮李

祭海神



鵝鼻江春酒綠常熟山繡旗繡中原膏血光明燭鼓樂  
迎神迓神福願借神力張我軍願仗神威清海氛海不  
能言神怒嗔倒立海風走海雲與竈可媚丞相府爾敢  
媚神媚吾主請假上方斬義子招祭忠魂代牲醴百靈  
呵護天人喜海國波瀾永不起

高稅使

三萬朱提許通市稅使之方乃至此中原寶氣照重洋  
瞬息番檣已東駛朝踞彭湖城夕達春申浦野有鷹鷂  
山有虎爾敢招之八庭戶以金爲餌漁我民飽則颺去  
饑搏人當時尙有橫海軍不然貪狡之性焉能馴噫吁  
噓古來邊釁言利始豈獨區區高稅使

照海鏡

扶桑白日淡成雪飛墮樓船作明月珊瑚作架春雲紅  
背文應有雙蟠龍鏡能照水不照陸箬密山深爾豈燭  
將軍鼓角從天來區區蠡測何爲哉

哆囉哩

在天豈無織女機在地豈無鮫人絲人心好奇風日靡  
異物徵求及萬里寒女育蠶蠶作繭繭粗作絲使君暎  
繭細作錦成雲煙爲君衣裳如花鮮君衣君暎不見憐  
翻新更買哆囉哩哆囉哩長徑一尺值千錢中原杼軸  
置不用使我婦女心憂煎噫吁噓哆囉哩

仲春旣望張叔未丈過訪拙宜園對花命酌賦贈



小院悄悄展齒稀靜中流覽鎮忘機一池新水魚苗長  
二月光風燕子飛地有琅玕同竹里春隨杖履到柴扉  
呼童割取籬邊筍不醉斜陽莫便歸

風雅東南孰主盟一枝健筆老縱橫傳家法物鐘彝古

壽世文章鐵石貞鷗鷺忘年勞問訊魚龍歸海厭論兵

拈花如對長眉佛安得黃金與鑄成未翁眉長寸許阮儀徵相國呼爲眉

壽老人

蓬萊春色隔雲天未許乘鸞到日邊芳草懷人難寄遠  
落花送客又經年消磨英氣閒情賦疏淡名心入定禪  
自惜瑤琴聲激楚請從煙水待成連  
雨雲閒門長綠苔庭梅都爲放翁開雙柑斗酒聽鶯去

片石疏花待鶴來拂檻和風迎笠展撲天晴翠暗池臺  
願春常好人常健金谷年年一舉杯

賀張受之

辛有移居東隣

舍北荆扉咫尺通圖書東壁想清風鄰園樹借三分綠  
古寺牆圍一曲紅拂檻花枝春隔院入樓雲氣海浮空  
夜來鐙火還相望只在松篁香靄中

平波臺次潘稼堂太史贈通濟菴志遠上人韻和

叔未丈

畫眉橋畔垂楊柳青眼依依待客來江海詩名重山斗  
煙波家世署樓臺五湖想像陶朱艇三影分明李白杯  
莼菜鱸魚如見約片帆同趁好風開



受之以楊晚研太史書帖見貽疊前韻奉謝

園居舊是先生宅遺墨如還趙壁來一紙煙雲畱几席  
百年風月老池臺庭中磊落元章石林下疏狂草聖杯  
差喜瓣香猶未泯殘編還對夕陽開

題邵稼夫靈石山房圖用東坡雪浪石韻

人間頑石如蜂屯瑰奇自負世弗尊離塵獨立隱光采  
羣簪之目殊昏昏此石乃荷識者賞白雲一片離山邨  
峯巒起伏盡畫趣芙蓉倒插青當門一卷隱具五岳勢  
繪工刻劃追神魂所觀者大物無小亦從太華分靈根  
活以清泉植寸樹雪竇迸裂珍珠痕主人愛之逾尺璧  
暇輒詩酒相評論春雲濛濛起膚寸散作霖雨愁傾盆

題詩願與石同壽石質不朽詩常存

題葉雲帆月夜聽潮圖

明月出海上倒印水底白散作銀蛇蜿蜒雪照萬里色寒  
聲激太空壯心與濟清森若萬馬奔蹴碎泰華石我昨  
泛申江帆影指蟾魄一鏡墮混茫上下連城壁明星忽  
在地寒芒俯可摘燐燄閃敗蘆番檣列叢棘惜無溫嶠  
犀下瞰鯨鯢宅乘風願未酬旅夢殊不憚君懷何幽噴  
遙想寄澄碧請攜珊瑚竿來作釣鰲客

蘭花會詩

薄遊申江適蕙蘭盛開都人士各出佳  
種陳列邑廟之豫園名蘭花會家霽青

叔有八絕紀  
事余亦繼作

暇日尋芳到海濱散花會上證蘭因嬋娟聲價黃金重



博得人間頃刻春

佳種有值數百金者

美人空谷寄清高解佩盈盈憶漢皋三月花開惜遲暮

替傳哀怨譜離騷

梅花蓮瓣闌輕盈佛手玲瓏並蒂生

花有梅瓣蓮瓣佛手之別皆蘭之

異仙種不應塵世有只宜分付玉龍耕

雨洗煙氛散渺茫楚妃窈窕倚新妝薜蘿山鬼休唐突

管領春風是國香

碧玉依依弱不支明璫素佩下瑤池麻姑曾見紅羊劫

亂後根苗慎護持

時夷氛甫靖

絕世丰神不合時紅塵小謫現幽姿長安已滅看花興

香草重臺遠道思

翦除荆棘表靈根桃李芳華未足論一種孤標誰比潔

攜琴海上弔忠魂

豫園裙展闌春妍鬢影花香散作煙劫後風光猶綺麗

令人重憶太平年

壽霽青叔七十初度

丙午

文采承家學英聲動少年胸吞雲夢澤身到大羅天讀

賦驚才子呼名首衆仙鴻毛欣遇順宣室正求賢

文鑑開明月詞曹重使星

公由內翰主試粵東

初衷秋水皎巨眼

遠山青豔拂珊瑚樹光騰翡翠屏歸來何所有藥盞盡

參苓  
天慮方南顧陽春自北來

出守潮州

親民惟刺史治劇仗奇



才忠信鯨波涉文章鯉浪開籌邊知有策頻上虎門臺  
法立諸茲靖恩敷庶類同萑苻知夏日花柳拜春風朱  
蓋笙歌裏署理南韶道若生寤寐中屏藩方倚重去棹太恩

恩

宦海迴帆疾歸裝載石多鄉心蕪菜曲離恨木鱖歌解  
組猶青鬢填詞倚翠蛾平生忠愛思宛轉託微波公自粵返

浙有歸船填詞圖

未老黃花徑重開綠野堂

公於魏家港之南構小竹林園

山林餘事業

金石壽詞章暇日天倫樂春風地主觴斯文提唱少還  
藉魯靈光

末學忘年契清談永夕留每乘柑酒興時共竹林遊許

我聯吟榻量才入選樓知公期望厚相勉是千秋

時以嘉道

間近詞屬選

花事催三月萊觴介七旬詩天留太古酒國貯長春南  
海勳名舊西園翰墨新行藏俱不朽夙果證仙因

題許玉年大令

乃穀

寒林平遠圖遺卷

西風肅萬象木葉散如雪陰寒蓄毫素山骨勁成鐵下  
筆千古心媚世亮不屑荒率見生趣靜妙悟禪悅想其  
揮灑時氣與秋爭潔撫卷三摩抄清芬永不滅

題許潤泉茂才

題身

立馬曾登泰岱巔圖即送之

粵東

平生五苦羅心胸惜哉未策遊山筇丁卯詩人負奇氣



振衣直欲排蒼穹石磴迴旋五十四帝座呼吸真堪通  
古柏蕭蕭鬱漢樹長松落落羞秦封空山偃臥不世用  
根株蟠屈成虬龍陰寒夾道白日凍行人已暝蒼煙中  
馬蹏翻從鳥背起俯視下界雲蓬蓬天下已小况齊魯  
綫河杯海浮鴻蒙晴雨顯晦勢百變地力乃有回天功  
隆碑萬丈卓霄漢蟲鼠吐酸成長虹一心不滅照千古  
泰山萬丈碑高入微茫惟心字點畫可辨欲與造化同始終冠蓋紛紛道旁  
客出山慎勿違初衷志堅行篤乃造極繪圖豈特誇游  
蹤愧我頻年走燕市看山青眼殊朦朧石丈有靈定撫  
掌往來塵鞅何恩恩聞君壯遊讀君畫不啻坐我蓬萊  
峯浙西山水但平遠惜無仙掌摩虛空尺幅乃具萬丈

勢塵表躡足誰堪同列星高寒仰可摘采之入手櫻桃  
紅攜來海上作明月倒影萬朵青芙蓉明朝重向嶺南  
去羅浮春媚桃花驄歸時贈我五色繭醉騎蝴蝶凌長  
風雞聲在天海門曙更看日出扶桑東

陳節母課兒圖

雲山孝廉蒙高少孤貧不能延師  
母授五經四子書窮經課讀在

以刺

母刺繡兒讀書兒倦母戚兒勤母愉母心其席隨兒卷

舒

解一母語兒兒勿荒嬉兒無父而貧母不兒教兒將誰

師

解二母以兒存兒以母生心慈貌嚴百憂叢并匪忍勞

爾

解三形乃懼隕厥聲三嬌兒眼中書慈母心中血縷縷手

中

解四線寸寸霜中節解四翩翩雛鳳乃翔乃翺無忝令名克



慰母勞解五殘膏煎母心甘苦爾應照化為明月珠蓬華  
使光耀兒能讀父書母能食兒報母兼父職兒盡孝解六

吳鐵琴州守家蓄孔雀附以木柵感而有賦

孔雀東南來五色藻文翰矯尾植翠屏側翅閃金彈耿  
耿川嶽精借爾偶發現負采貴自毀詎宜俗眼銜胡為  
雲海身樊籠此羈絆跼踖高厚中不作鯢鵬變在遠物  
愈珍處卑世所玩鳳凰亦文禽時清始一見

鐵琴以所藏孫登鐵琴見示予為上絃并誌以詩

躍出樊賓鐵曾經劫火來千年神鬼護萬壑雨風哀天  
籟沈高閣琴為項氏天籟閣所藏秋聲落嘯臺廣陵今  
絕響孤負此良材閣毀於火而琴獨存

暮春偕孫小熙大令恩保朱山泉通守善張許荀

仲通守美身陳芟裳明經元鼎游南屏後山

殿閣笙簧語早鶯撲空煙翠謫新晴松陰石氣春雲動  
竹外湖光曉月明出世蹉跎塵海夢看山蘭戀故人情  
何時得遂幽棲願恰與閒鷗訂素盟

聞督臣收復定海

祇霧蒸雲薄太虛從容巾扇為驅除健兒鼓吹騰蛟室  
吏部文章徙鱷魚碧血未乾田橫島黃金誰致趙佗書  
始知力戰非長策地下忠魂恨有餘

雨洗銀河毒障開旌旗安穩甬東來扶桑日照天王地  
細柳春深大將臺化外琛球歸禹貢劫餘草木帶秦灰



流離莫問當年事，嗚咽重添父老哀。

廢壘荒林戰骨枯，竹山門外莽煙蕪。秋風化去滄浪劍，

明月歸來綠水珠。尚有餘腥留滬瀆，可能遠勢控彭湖。

殘民元氣應調攝，

溫詔頻年已賜租。

星宿遙通貫月槎，亂檣西去指流沙。雲中島嶼收徐海，

天外樓船走呂嘉。玉馬三年畱外府，金鼇一柱表中華。

承平豈便忘征戰，列戍連屯起暮笳。

憂旱

財賦三吳地，年來病轉輸。金縢消海市，珠玉照蓬壺。纔  
見鯨濤息，重嗟鰥鰥枯。東南正凋敝，民氣若爲蘇。

同人集湘漁有九思齋席間喜雨作歌

江南黃梅一月雨，今歲翻添十倍暑。草堂投轄泛瓊觴，  
綠樹陰陰日停午。清談喜與故人同，力作方愁農事苦。  
五日不雨田不耕，十日不雨歲不登。古來亂機始衣食，  
昔之盜賊今蒼生。杞人憂深百感集，欲飲不飲心忪忪。  
安得片雲起華嶽，高歌迸作雷霆聲。精誠上訴帝心惻，  
涼風北來海天墨。倒瀉明河作白龍，急電紅燒太陰黑。  
人生憂樂互循環，世界炎涼亦瞬息。始知天意本仁慈，  
忍使東南竭民力。雨聲浪浪催我詩，詩成更酌琉璃卮。  
酒酣燈灺客始起，雞黍重訂招涼期。歸來枕簟覓秋夢，  
殘蟬猶滴梧桐枝。



拙宜園之西偏舊有晴雲閣爲風雨所圯易樓三楹取涪翁快閣詩意顏曰倚晴丁未三月落成賦

詩誌感

丁未

蒼蒼三徑松嶙嶙數峯石先人忠厚遺尺土重圭璧  
王父購此園性真寄閒適醇穆含太和萬事戒雕飾不  
以機巧爭傳家示模拙先補耕山公顏其堂曰在僕齋曰養拙古意澤後  
人堂構永燕翼及今七十年清風被竹柏我父秉先  
型兢兢世厥德嗜好泯衆緣詩書抱奇癖交遊但文字  
師友必賢益空山歌詠聲鏗與水風激秋雲鬱壯圖蓬  
樞苦沈抑恥爲非分營守道易蕭瑟垂暮淡仕進華髮  
漸以暫仰維締造艱牖戶謹籌畫先事葺墓廬繼乃及

園宅草木欣際遇山林忽生色西閣號晴雲全勝表秀  
特屹峙二百秋棟梁漸傾側次第事改爲憂患陡相迫  
海祲東南來勢卷萬山疾敵至無堅城兵悍或殘賊十  
室九流離闔市氣慘慙移家類轉蓬入林恐不密吾鄉  
苦清貧微幸脫鋒鏑冠退返故居薪木尙含碧艱難烽  
火餘感時意慨惻因之老病叢乘屋詎能並茫茫未竟  
心悲哉痛易簣不肖襲父基留貽重手澤徘徊懷惻間  
詎敢諉厥責去年春雨多巖牆更欲踣誓慰先人志經  
營始諏吉我母念兒貧諄諄儉是飭毋存苟美心精  
神耗我室毋取苟得財膏血汚我壁不見豪貴家奢侈  
務窮極盛衰不須臾百年姓數易柱石非不堅要以身



心植長跪謹受教規畫頗草率綢繆半載餘約畧竟斯役所悲此樓成怙恃俱已失花月有四時板輿未一日九原如念兒還應恤兒力力竭或可甦親顏悲永隔人生重富貴富貴良頃刻親在不及見軒冕亦何必歌哭聚骨肉始知頌禱質今我何所爲寔若退飛鵲願守先人廬風雨共晨夕塵軌絕誼誼誼座友進諒直豈樂賦閒居未敢違素臆少時盛意氣昂藏負七尺冀有所建樹溫飽久慙惕立身志顯揚經縣家與國勞勞京洛塵裘馬傲游歷閒闔在九天何由奉涓滴經世多賢才庸妄固宜斥歸來滄海邊盛年坐地擲茲樓我天地譬彼馬在櫪俯聽愁鳥嘯仰睇愧鴻鴈無由報君親微軀亦纖

悉所幸邊患清閒鷗聊溷迹長松何蒼蒼可以撫而息白石何嶙嶙可以煮而食且讀祖父書敢言盛明逸西北浮雲開恰看中天日

紀所聞詩以勉孝

衢巷紛紛傳孝子孝子不詳其姓氏孝子朝出傭工暮歸負米以米養母博母喜母有兒生不則死傭賤米貴給一口一家之食安能有孝子入門謀諸婦孝婦之孝與子偶烏有烏兮獸有羊物有性兮人有良母則有米兮兒則有糠糠不肖米兮附米而成米之不養兮糠於何生根本爲重兮枝葉爲輕孝子團糠母粒食母見兒食大捨惻母欲覓死死不得含悲飲痛還入房孝婦進



飯潔且香母而食之母斷腸母不食之兒心傷母瞰婦  
出母輟哺傾飯入廁冀神怒全兒孝名脫兒苦俾雷死  
我孰知故蒼天何高高白日忽雨風急電掣母去此時  
孝子方傭工孝婦入房大哀迫廁中之飯何狼藉呼天  
仰天叩天泣願貸母死代母食高高者天天怒消電亦  
不能爲之急風亦不能爲之驕惟見白雨珍珠跳所雨  
非雨雨者米天賜爾孝作甘旨母若有神促之起孝子  
朝出傭工暮還歸來米何纍纍如山崔嵬孝子有米母  
有飯嗚呼孝子出貧賤微天之憫誰復見事非吾見吾  
所聞語涉奇誕理或真誰非人子誰愛親富貴之養養  
以文孝如此子能幾人噫吁嘻孝如此子能幾人

題朱保三中表

有常看劍引杯圖

明月花閒影西風塞上秋縱橫星斗色浩蕩古今愁不  
用鉞應斂無聊醉亦休邊城方諱戰酒國且封侯

硯園爲陸氏所毀予購得廢址剪除荆棘繚以短垣  
擬爲栽花種竹之所作詩紀之

五畝城南地茫茫茂草愁廢垣欹仄徑頽石互寒流小  
厯恒河劫難成老圃秋冷花如媚我紅上倚晴樓  
駿骨寒成雪蛾眉病不春尋常都棄置憐惜到風塵樹  
老精靈守山癯面目真結廬猶有待應諒主人貧  
舊主皆軒冕華門墜戟標百年更數姓古月朗今宵粉  
黛沈歌舞珊瑚入採樵乾坤傳舍耳且復挂詩瓢



何陋言集 卷三  
曾記垂簷日攜書坐茂林釣遊成夙昔歲月坐銷沈春  
事閒居賦秋風廣廈心閉門聊種菜未足入山深

寄懷李謫如觀察

本七  
贛州

采采芙蓉花涼風滿襟抱秋士多感懷忽復思遠道夙  
昔同心人關河匪脩杳無由致芳馨朱顏爲君老嗟彼  
水上鷗不作衡陽鳥

端居忽不憚慨焉思遠游自顧所歡少念君獨綢繆束  
裝待明發征權遲江頭其時正炎鬱烈陽沸中流親故  
戀遠別百辭相阻畱謂君愛惜我暑行重君憂感其所  
言摯輒復理歸舟出門與入門彼此縈離愁安得化明  
月清光同九州

昔同燕市游連轡黃金臺顧盼自矜異兀傲無羣才良  
會忽以阻盛年不再來神龍已千里疲策猶塵埃伏櫪  
氣忼激長嘯秋風哀君子重高誼不以窮達乖性篤有  
真契道在無時懷感茲拳拳意鬱衷始一開

落日照平野回光激晴瀾當時送君地流連不能還置  
酒江上樓坐看江上山江流自往復我心與迴環所願  
章貢水近與吳江連好風達俄頃咫尺到南天

美人性芳潔念我隔湘雲自言家羅浮遠寄梅花春茲  
山多暎氣能使蓬草溫茲花耐歲寒點點生意存神仙  
所培植出手皆清芬置之盆盎中歡若對所親東風不  
我待散失同輕塵花開有時落素心良足珍愧乏青琅



汗何以報殷勤

出峽無緩流到江有餘勁川岳積雄特民俗悍斯競卓  
哉王文成以道柔其性致知本經傳良知秉亞聖末流  
事排擊蠅聲惑衆聽君能振起之昏衢使光瑩仰古挹  
前芳踵武想新政粵雲多變遷楚澤亦形勝制險扼東  
南正賴雅化靖賤子昧治要聞風遠相慶望君明德崇  
豈惟聞譽令

秋柳

津門飛絮馬蹏深拋擲東風萬點金學舞腰支偏失寵  
過時眉黛易成陰荒亭落照依依別短楫空江渺渺心  
莫共芙蓉怨憔悴長安桃李亦蕭森

江上西風鶴淚哀蛾眉親見陣雲開寒潭樹影將軍老  
空壁潮聲戰馬來笛裏關山猶鼓角夢中歌舞幾樓臺  
瓊花玉樹皆塵土誰稱靈和雨露栽

六橋載酒小蠻歌舊恨淒迷託逝波春夢樓前青眼少  
故人湖上白頭多香塵已散連錢騎流水難尋拾翠娥  
張緒風姿消滅盡征袍彈淚惜蹉跎

金縷叢殘舊舞衣滄江歲晚惜芳菲五湖幽夢閒鷗約  
一樹斜陽倦鳥依高士柴門畱客醉美人畫閣待春歸  
小園池沼宜煙雨好補清陰上釣磯

依山閣望海

鬱鬱此懷抱登臨始一開晴空諸島出秋色大荒來采



藥通仙棹吹蘆列將臺浙西嚴鎖鑰守險正須才

甬江望月行爲何衡山茂才岳齡題行看子

秋風在心露沐髮塵夢如煙滿城闕中夜起舞鬱不歡  
白眼蒼涼看江月何郎與我總角交少年意氣人中豪  
劍芒出匣炫星斗墨氣騰石翻波濤文章無靈遇抑塞  
飢驅暫作諸侯客巴川明府劇好士扁舟邀泛甬江碧  
甬江江水清空浮月色浩與江聲流月中有人江有月  
月不冷落江能秋謫仙錦袍凌采石髯翁洞簫吹赤壁  
古人不共今人游江月有情應歎息是時戰氣沈蛟門  
刁斗警夜猶相聞青天高高萬象肅將星散落成飛燐  
虎蹲山前怒濤咽清溪嶺頭萬帳裂當年夜半合重圍

白刃摩空鬪寒月憶君念母歸故山測變未形知幾先  
敝廬濱海亦有警風雲直與舟山連空囊金盡移家走  
予亦倉皇黯分手銀蟾化作老黃虬兩地相看各搔首  
茫茫人事多變遷波浪忽落月復圓水鏡空明見顏色  
昔何悲愴今何歡塵土功名豈堪必有酒不飲亦蕭瑟  
笙歌且樂太平年光明還照流亡室采雲離合涼星稀  
水長路迴行當歸莫遣飛霜入圖畫聞中昨夜製寒衣  
八月十二日吳子述歸自陽羨迂道過訪宿倚晴  
樓六晝夜每夕邀同里諸子鐙酒縱談於其行也  
得詩四首

徑冷高軒少門閉老樹深故人猶我念秋水遠相尋貧



有崢嶸骨詩多慷慨音自言經歲別無事但悲吟  
園小誇新構交希愛舊遊晨星天下士明月竹閒樓意  
氣窮途合艱難廣厦謀幸無風雨擾沈醉過中秋  
暢好空明夜圓光滅一鉤月食十六夜上清猶有劫下界豈  
無愁海色浮荒堞邊聲動遠秋時作營舉平生萬里志  
嘯傲付滄洲

浪迹真無地高懷別有天知君少親故作客反流連  
鑪螢聲裏帆歸雁影邊殘年倘乘興更泊剡溪船

月夜禾中舟次作

殘秋猶蘊藉鼓枻溯流光得月樹陰秀在風菱葉香漁  
歌自斷續清夢亦微茫靜極有禪意塵勞此暫忘

南湖秋泛

畫橋通市碧迴環十萬人家縹緲閒如此煙波偏近市  
未畱一面補青山

涼風吹浪織羅紋蓼影蘆花盪作雲此地只宜秋鷺宅  
當年曾狎水犀軍防東屯水軍處

過煙雨樓

警蹕傳呼日樓臺氣鬱蒼江南誇富庶海內重文章  
天藻雲霞色春波雨露香白頭諸侍從幾輩賦長楊

秋夜曲

明星高高月在天湘江美人彈冰絃冰絃有情鬱不宣  
玉雁夜唳銀河煙涼風西來凋朱顏美人洵美非從前



燭房羅帳坐微嘆春短如日秋如年

東塔寺晚步

塔危風欲撼徑僻日俱荒古佛無煩惱空山亦老蒼世情閒處少秋味靜中長薄暮鳥驚起鐘聲出廢廊

古結交行贈馮少山茂才

煩請

即題其名山訪友

圖

仰高未必窮其巔臨深不戒將淪淵君子失足防未然結交奈何非英賢離索寡陋古所恥將以輔益繩吾愆君之愛友八骨髓脂車直欲窮名山琴瑟在和非獨絃鐘鼓能虛聲格天學不自有納衆有江海空闊吞羣川嗟哉世事多變遷結交良易全交難浮薄猥瑣不足齒

肝膽何必由衷言太行峩峩忽在前昨日信誓同憂患耳餘當時亦管鮑變機乃在微茫閒美人空谷何嬾娟欲往從之阻且艱禮防森嚴非過峻懼悔於後持於先噫吁噫結交良易全交難必逢佳士亦執鞭不則風雨持一編日與古人相周旋

絡緯

絡緯爾何物能令秋夜長餘音流玉砌好夢落銀牀得氣詎甘寂處幽應自傷月斜嘯更急併入楚絃涼

贈朱春甫茂才

錦

故人如白雲無心偶一至同里頗契闊所交在神契憶予初識君甫應童子試垂髫能詞章磊落自矜異父兄



戒狂縱師友獎意氣少女初學妝婉轉關嬌麗此境悅  
目前忽忽逾二紀我困燕臺車五上不得志君亦守蓬  
華青青子矜敝一事差勝子佳兒善文字烏兔迅飈輪  
相對各顛顛去日惜蹉跎來日勿荒棄貞此歲寒心令  
名互砥礪

丁溪眉壽老

謂張太叔未

博雅時所崇君與十年遊積學詎

不充何乃久困頓惻惻悲途窮送窮固有術道外利所  
叢逐物味本性衣食亦足豐嗟君不能為為之亦不工  
想見志士節高潔無塵蒙守已鮮外鑠徇時多內訌勁  
亦犯冰雪陽春伏其中天意有往復願君慎初終

貓

吾家畜俊貌捕鼠疾於箭聞聲若有睨覓影不在見有  
時搗巢穴尾逐暗塵旋有時擊飛走聳身逸颯電鼠輩  
亦狡黠望風匿不現靜如設伏待屏息伺其變高險輕  
一擲隕跌氣猶健豈不憚顛危職在軀命賤誓窮賊所  
往以絕主人患吁嗟爾微物不忍負芻豢爪牙盡如此  
道路或清晏

研園在倚晴樓之西更名西園暇日課家僮闢治

蕪穢慨然作詩

三徑久荒棄彌望塞荆榛蔓延賊佳卉終歲無陽春同  
得造化氣爾生何不倫芒刺苟勿慎往往能傷人奇石  
仆叢莽湮沒無精神小人在肘腋君子安得伸翦伐務



淨盡搜剔窮其根處之稍姑息行將據要津莠去美乃  
植殺以濟吾仁自嗟所用小惜此斧與斤

西園梧穀雜生伐去其穀而存梧焉

穀樹何暢茂葉頗類梧桐有清韻爾貌徒龍蔥忠  
孝以形似世乃多姦雄真偽慎去取皮相非至公雷此  
百尺條爽直凌秋空時來作琴瑟元氣使調融

倚晴樓詩集

卷六

海鹽黃燮清韻甫

將之虔州臨行感賦

戊申

昔上燕臺車父母意徬徨不願兒富貴但願兒在旁臨  
歧百辭囑途路慎風霜一滯增百慮早歸慰所望今我  
遠行役不復見高堂伏地叩遺像如聞語諄詳仰視忽  
已失音容兩茫茫親在不祿養親逝走他鄉抱此不孝  
軀躑躅心摧傷

李健伯同年

光溥

爲我送行詩以誌感

伯也古君子真性何忤惻念我虔州游風波迴難涉獨  
行知我愁爲我訪儔匹長路知我需爲我檢衣食體會



八細微綢繆及纖悉我雷懼我滯我行恨我迫中有無  
盡詞意繁口不出臨歧作歡顏暗淚已在臆友誼有如  
此感極轉愴悵

夜泊虎爪山下

第一江湖夜蕭然倚短篷炊煙深樹白燈影遠山紅鄉  
夢微茫裏漁歌縹緲中莫嫌聽雨苦愁味有人同

江天曉霧次富陽城外用謝康樂富春渚韻

櫓聲疑在空人語知近郭浮天合混茫壓水洑旁薄去  
岫雜隱現來樹每舛錯已復綜昏旦安能剖林壑泉流  
隔雲響鳥影就煙託夙昔慕壯行處幽惜卑弱不爲鴻  
鵠騫未踐鷗鷺語萬物有顯晦四序遞榮落坐待初陽

開晴空起蛟螭

富春江懷大癡道人

富春江上翠屏開我亦扁舟覓畫來安得先生一枝筆  
好山寫過了陵臺

過戴仲若聽黃鸝處

攜柑載酒弔幽人雲水茫茫重問津尙有嘯鶯畱客住  
東風五月似殘春

桐廬

空山草木闕清芬杳靄叢祠指白雲婦女亦知仙隱好  
輕衫細步拜桐君

小市臨江三里寬山光水色照闌干仙居未識勞人苦



卻借煙帆當畫看

嚴瀨雨泊

旦發富春煙暮宿嚴瀨雨雷轟直下川電灼旣昏嶼瞬息異寒燠俯仰感時序因雲識龍氣未秋警蟲語浪石鏗以激枕夢遠逾阻聽喧愕眾響處寂念孤旅我勞復如何侵曉更鳴櫓

嚴瀨曉發

萬壑奔流帶雨渾寒聲噴薄激雲根經行絕壁猿猴走石互荒灘虎豹蹲身世艱難同上水天涯潦倒且開尊西臺痛哭人何在千古茫茫此淚痕

嚴陵觀瀑布

萬山如馬如神龍宛頸矯首游青空千回百轉蓄水勢望若無路舟能通其時積陰鬱不散似金上蒸煙濛濛散作飛雨灑萬嶂噴薄倒瀉珍珠宮大聲裂壁殷雷鼓細亦絲竹鳴琤琮萬斛一注蟠赴壑激宕爭與江流東下流既殺勢猶怒上流卻在雲當中眾喧合鼓念逾靜五月不暑生涼風年來世事苦齷齪耳目乃爲塵埃封天遣銀河洗煩熱使我豁達開心胸由勝入勝勿中輟造化造境無雷同此去馬當借風力更須一識匡廬峯

晚抵嚴州城外

宛轉出胥口奔流盪客心灘爭烏石險山抱睦州深雙塔開新霽孤帆破夕陰路長煙更遠空翠滿衣襟



上灘行

眾水趨東流水底石橫出我舟溯流上往與水石激既  
上不須與稍縱輒倒擲舟子愕相視鼓舞策全力或以  
裸負榜千鈞冀盪側或以肩承篙削爭咫尺或以足  
運舵手乃一竿揭號呼集眾勁百體與之敵欲進聲愈  
喧既登氣猶迫我生多艱難所往境屢逆踟躕途中  
羣勞復予竭物我同憂患安能夢寐適出險慎勿嬉持  
重庶鮮失

崖繚行

臨江多崖壁迴環境屢變予舟出崖邊其上行以繚越  
巖如猿升赴遠若蟻旋路往飛鳥共景落游鱗見俯深

趾欲浮仰碧脰或眩僂倬侈捷足危坦爭一綫策進不  
在躁履險詎云善感茲託孤吟山翠落吾面

蘭江道中

童子灘連焦石灘峻嶒石壁灘湧迴湍行人厭說風波  
險只當尋常畫本看

平隄綠野水中閒放鳴馴牛事事閒始信桃源隨處有  
不須重問武陵山

竹籬茅舍有人煙世外生涯不種田兩岸盡栽楓柏樹  
安排紅葉待歸船

鄰船買酒作蒲觴自嚴陵至蘭江一路有賣酒船醉倚煙篷納晚涼聽  
盡畫眉三百里玉壺峯下過端陽



夜雨泊蘭溪城外

暝色沈諸嶂涼聲動遠更人家煙外宿江火雨中明獨  
客蹉跎感中年離別情鄰船正絃索能使亂愁生

同年汪春生大令

道森

置一石於玉山官廨靈矯

若舞雲作詩賞之次東坡雪浪石韻

冰谿諸山羅虎屯懷玉一峯山之尊不及汪侯座中石  
皎若片月開黃昏當其偃蹇見者瞽芙蓉冷落西施邨  
一經拂拭光燄發不啻聲價高龍門出世雖非渭濱釣  
八夢恐是飛熊魂媧皇補天惜未用坐使塵海蘊靈根  
質奇遇庸勢磊落卻無斧鑿雕鏤痕神物顯晦良有數  
位置高下何足論但令出岫起膚寸霖雨所及能傾盆

侯之愛石悟石理石交古誼今猶存

偕春生同年及其弟壽萱同年

道厚

君子亭看竹

州

時值梅雨鞭筍茁芽主人劇以餉客即餞予至虔

君子亭前萬竿綠能使清陰滿谿谷主人好客極瀟灑  
邀我看山兼看竹其時梅夏土膏潤遍地龍孫茁寒玉  
長鑱長鑱柄白木劖以餉客味絕俗山川靈秀借發洩  
亦見宰官雨露沃汪侯宰此今五載三見靈芝產峯麓  
善氣所感物能瑞侯不自功謂民福但願人和歲豐熟  
座有清風意亦足君子自進趙文若不待故人寄書屬  
對牀况有仲氏賢四海子由氣超卓十年上書惜未用



似我襟懷同抑鬱  
往時津門共翳燭  
今日冰溪更聽瀑  
人生聚散不可卜  
八載光陰逝如轂  
卻因小蘇識大蘇  
意氣輪囷頗相屬  
斟酌廉泉釀春渌  
一杯持飲醇醪渥  
送我扁舟江上宿  
風波爲我平安祝  
天涯友誼良足感  
自愧饑驅頗碌碌  
來宵聽雨憶瀟湘  
此境還應在心目  
五月十七日由玉山西渡瞬息百里用敬翁抵雁

隨浦韻

五月黃梅半月雨  
萬壑寒生夏不暑  
扁舟卻共江流西  
下水帆輕疾於舞  
倒瀉銀河送客星  
但聞波濤不聞櫓  
岸山過隙馬奔馳  
汀竹搖空鳥飛舉  
直恐呼嘯起雷霆  
已復須臾判吳楚  
平生未遂萬里心  
夢魂忽借風雲鼓

揚帆破浪如是觀  
碌碌功名亦塵土  
眼中鷗鷺何蕭閒  
雙宿雙飛傍沙渚  
我獨何爲好遠游  
買山安得錢神許  
且復高歌彈水仙  
夜深應有蒼龍語

水碓

動不關人力  
圓機激宕生  
自春仙兔藥  
如和水禽聲  
噴薄風雷氣  
循環日月行  
隨流千百轉  
似我別離情

上饒江

江水拍浮橋  
乘風過上饒  
鳥聲新霽樹  
帆影夕陽潮  
詩境真空闊  
離懷總寂寥  
亂山相送晚  
何處是今宵  
由廣信而西山  
皆巨石隆起  
列作崖嶂無  
大小相間之法  
詩以寫之



渡江日看山茲山何岿嶸隆起絕雄特峯殊勢亦各或  
圓如鏡匳或方如屏角或森如劍鋸或列如刀削或凹  
邃中空巉巖齒在嵒或倔強矯立枯根樹盤錯異文恥  
苟同一體一耶壑不以積累高大氣自旁薄乃知混沌  
奇正在未開鑿趨厚物不戕過靈質易鑠結想入混茫  
方寸起華岳

夜泊湖口風月甚曠次放翁舟中對月韻

涼風瑟瑟吹微雲江蒲江柳愁殺人昨宵記與故人別  
懷玉峯頭話明月謂汪春生明月今宵更清冷坐使江  
湖秋意醒岸蟲幽咽語潮聲水鳥驚飛怯人影藐姑山  
翠欲到船羽衣恍惚來神仙高樓有夢無尋處明日輕

帆更西去

舟次獅江野步遣興

昨日風水能兼程今日獨向獅江行野色卻與意俱遠  
山光亦如人有情長橋界渚石齒齒老樹倚空雲英英  
沙禽向客作蠻語畫閣東風無此聲

九獅山

獅子江頭獅子山一獅一山交迴環兩山委蛇若麕首  
兩山踞浪勢欲走雲霧顯晦波浪高氣蒸草木成拳毛  
一山昂頭一矯尾峯如欲斷中還起中起一山迴且蒼  
渾然屹立獅之王以頸顧腹若有戀俯視眾山皆兒行  
尚有兩山左右列如偕熊羆作賢弼直恐吐納起風雷



舞弄鉛山一丸鐵長江鎖鑰資雄關噓氣定應走百蠻  
爪牙不到豺虎有安得諸山伏地吼

自獅江至鵝湖山益奇詭紀以長古

鵝湖之山山絕奇一山一石無宗支方者垣墉尖立錐  
削者巨刃圓圍基中央危峯空所依江流四面環繞之  
餘亦起伏爭雄雌於水爲鼉爲蛟螭於陸爲犍爲熊羆  
窮極詭異各不師目縱已及心猶疑大造所造不可思  
未識真面安得知約舉形似見者嗤不宜於畫宜於詩

弋陽江懷謝文節

苦守夷齊節難回天地心勢危拚一戰力盡鑒孤忱熱  
淚崖山浪離騷楚澤琴招魂薦薇蕨風雨極蕭森

積雨初霽由安仁至餘干舟行甚迅

梅雨有時霽我行殊未還江流偏曲折客思與回環落  
照龍津駟微雲馬祖山去帆何所競爭及釣船閒

夜過瑞洪鎮

夜過瑞洪鎮漸近彭蠡邊彭蠡雖未達氣已凌百川眾  
山忽遷避讓此渾渾天蒼然合上下中有太古煙盛夏  
颯涼氣秋風到已先市鐙偶一閃迴若陰火然四極恐  
無地安能辨桑田涉險豈予志人事苦憂煎安得乘大  
化冲舉隨飛仙倘遂向平願定拍洪崖肩

夜渡彭蠡

四更殘星稀篙師起鳴榜百夫植巨桅併力相吶嚨推



蓬若萬里一粟已蒼莽視極但浩浩焉識目所往曙色  
從東來幽遐漸以晃笠圓涵大明鏡闊受萬象九江泄  
湍怒三楚接潏潏勢與風雲合氣挾蛟龍上形忘始一  
快境過詎敢想歷險叢百憂我懷終悵惘

舟過南昌風利不得泊

孺子亭前新柳陰滕王閣外暮煙沈古人車笠論交誼  
游子雲山入苦吟暝色遠從三楚起怒濤直下九江深  
天涯未必無知己莫負風帆送我心

西山

微雨過西山山光窈窕開美人新膏沐煙霧滿秋鬟塵  
夢憐歌舞仙遊想佩環我行太愚促惜未一躋攀

南浦

茫茫南浦水千載送驪歌予亦天涯客相思當奈何征  
帆從此去芳草至今多一掬歧途淚還應化綠波

甯王邸

寒濤細雨接天陰莽莽風雲變古今大壑魚龍猶戰氣  
故宮鸞鶴自悲吟分封難襲三王制據險終生七國心  
燕啄王孫原祖法英雄時命有升沈

婁妃墓

一片殘碑祀國香故宮寥落水雲涼漢皋明月歸神女  
楚澤雄風怨大王詩諫難馴龍虎氣草書都作鳳鸞翔  
湘妃淚點蟻磯恨併入江流九派長



豐城爲雷煥得劍處感事作歌

豐城之劍人不識寶光乃令牛斗赤塵霧障蔽焉得致  
鬼神驅遣始一出雷煥前世太白精能識劍氣通劍靈  
兩龍出地雌雄鳴起蟄定有雷霆聲當時華夷方擾擾  
何不以之清邊城閒在腰閒未一試張華佩之翻戕生  
神物不用愧知己逕乘波浪歸延平吁嗟乎劍無雷煥  
劍磨滅塵海茫茫六州鐵精靈偶與時顯晦光采還應  
自愛惜太平無事斂鋒芒千金購之詎可得但聞江水  
繞城寒坐使神龍氣蕭瑟龍兮龍兮歸去來虎狼在戶  
須邊才慎勿悲吟向風雨恐有故人詔求汝

樟樹行

樟樹鎮頭老樟樹根裂重泉氣蒸霧晴昊自轟雷雨聲  
太初已有鬼神護蟠踞空山勢鬱蒼獨畱精氣鎮南昌  
故王宮殿多零落幸不當時作棟梁

新淦道中

仙女峯何秀化梭亭已荒神龍隔雲氣快馬走風檣鎖  
鑰嚴章貢波濤接廣湘城孤堪制險豈但賦滄浪

峽江行

昨日南昌今峽江如犀入海分驚瀧片帆瞬息三百里  
但見崖岸移篷窗江流至此忽一束兩山峩峩相對矗  
中裂門戶走飛濤鬼斧神工此開鑿畫屏迴立青芙蓉  
孤城高草山之峯得人可以一夫守設險卻扼雙江衝



巨石峻嶒勢斧劈萬斛泉聲石縫裂後鶴難尋梅福廬  
蛟龍猶護周郎壁是時浪息風初停亂蟲啾唧鳴沙汀  
微雲近籠玉筍樹暮色遠耿金灘星篙師夜行誇捷足  
列炬牽檣走山麓遠浦迷茫煙外明茂林杳靄火中綠  
有奇不賞如愁何游魚出水聽我歌我歌未終風更作  
古意鄉心滿寥廓

廬陵行

廬陵古稱忠節鄉浩氣直與江流長澹菴老人百鍊鋼  
疏斬秦檜論激昂同時上書歐陽珣早辦一死殉燕臺  
宋四百載結全局文山正氣何堂堂臣能盡忠友死義  
以身代戮劉民章當日牙旗開幕府梓鄉賓從皆英武

臨刑罵賊明元甫生祭丞相王炎午同里勤王有劉沐  
吉水來從鄒鳳叔我頭可斷軀不屈銘笏誓死劉安福  
龍巖士昭血書幅生死大宋一言卜上爲日星下河嶽  
正氣所感成風俗赴難不啻遂所欲光燄常令太陰燭  
遺風餘力久不消後之繼者管鳳韶矢志不臣燕王朝  
自言讀書氣剛直懼玷同鄉文信國含笑從之死亦得  
吉水蜿蜒接太和文筆之峯高嵯峨此中碧血何其多  
扣舷一唱廬陵歌悲風激盪回星河

文江曲

文江江水碧回環別思江流共往還何物他鄉畱客住  
始知郎到鷓鴣山



五雲洲邊日易曛十龍巖上霧氤氲耶心變化龍難測  
妾夢隨郎願化雲

妾是蓮花峯下蓮鑑湖如鑑照娟娟欲從亭外凌波步  
來訪仙槎江上仙

郎愛芙蓉山上看妾如雙鳳向雲盤送郎十八灘頭去  
預祝風帆總萬安

歐陽文忠故里

一代勲猷埒范韓三朝光輔重儒冠文章氣局開嘉祐  
山斗聲名動契丹生際盛明圖治易謗興朋黨協恭難  
讀書庭院秋蕭瑟欲薦蘋花江水寒

過泰和懷涪翁

是鄉素悍黠其俗好訟歐涪翁以德化宛轉使之柔文  
法不忍用民瘼必諮諏狼虎識禪意人性較物優移易  
在無形豈宜操切求所惜窮山吏割雞刀以牛藥神罔  
不效器大可雜投始知君子心陽春與周流餘事託吟  
嘯浩氣凌滄洲我來日已暮今古思悠悠惜未登快閣  
一覽澄江秋家風素宗仰倚時名吾樓予有小樓取快閣詩意名曰倚晴

由萬安入惶恐灘時江水方盛諸灘皆伏水底予  
舟揚帆徑進不知其險也作歌以紀用東坡百步

洪韻

上流倒瀉銀漢波下流騰擲神龍梭諸灘中扼勢巉削



劍鋒仰立鏗相磨我來風順水瀨瀚片帆笏植凌山坡  
其時雲氣滂千嶂雨聲打篷珠跳荷巨流盤曲冒石出  
以舟觸之成圓渦篙師鳴金意鼓舞不啻衣帶看黃河  
故鄉湖山但靈秀山如屏畫湖如羅月游煙泛極容與  
豈識高浪高如駝未經閱歷所見隘從前諸境良委蛇  
人事變幻詎可測慎勿游戲蛟龍窠小人狃近輕一快  
樂時不戒如憂何波濤敢言恃忠信風雨終仗神搗呵  
逆流過武朔崑崙諸灘勢極艱險夜泊土牆灘灘  
聲繞船客感交并愴然有作

章貢合流向東走霹靂弓開箭脫手亂山旋折蓄其鋒  
裂電奔雷怒逾吼逢櫓篙索百夫并力盡欲回萬牛首

直曳鹽車上太行倒引仙槎入星斗灘勢中互如橫絃  
亂石補此水底天一灘已極耳目駭前灘後灘還相連  
人爲我言初不信身歷其險知其艱平生怯膽到此勇  
如陣背水奮則前嗟我髮膚受父母如此風波作羈旅  
少年近游路咫尺顧視門閭意猶苦今我怙恃俱已失  
乃敢輕身蹈險阻側身東望白雲寒獨立空江淚如雨  
蓮花洲阻水去贛州僅百餘里兩岸丹崖綠樹奇  
麗奪目卽事口占有懷藹如

新漲奔騰下遠汀行舟如爲看山停亂崖五色璣瑜錦  
雜樹千章翡翠屏大塊文章何爛漫將軍畫本是丹青  
只愁咫尺相思路銀漢微茫滯客星



五月二十八日至虔州謁如賦詩誌喜次韻奉和  
故人風味玉壺清餘事吟詩見性情雷雨喜馴蛟鱷瘴  
時會匪滋事咸收捕置法煙波來踐鷺鷥盟山連閩粵崢嶸氣灘落  
巴湘浩蕩聲我愧橋邊魏處士漫勞車騎遠相迎

六月初七夜同人集雙園之虛白亭納涼

小亭殿四面繚以曲折廊清虛絕障礙老樹陰其旁偕  
我素心人情話追微涼月色動蒼翠花影忽在牆好風  
與之會秋氣生衣裳浩然視太素倒瀉明河光

雙園夜坐次謁如韻

月露沈空夜浩然西湖清氣及南天春風玉樹生連理  
園有玉樹一本近成連理秋水銀河洗瘴煙時會匪今夕壺觴良宴

會故人襟抱在山年燕臺燈火聯牀話舊夢重符十載  
前

舊時三徑已蕭然雙園已成廢址新厥園林別有天花

夢初醒蛩語月松陰微動鳥棲煙芙蓉遠道尋千里多

燈前新建柱下小築為修郡志之所

謁王文成祠

電掃欒槍定豫章書生偉烈照旂常大江東去風雷氣  
吾道南行日月光一代功名高李郭百年心學啓何黃  
讀書有用非禪寂濂洛源流合混茫

蘇楊夜話亭



坡老南遷日萍蹤此暫畱空山經一顧處士亦千秋湖  
海神交重炎荒別路愁虛亭舊明月曾照古人游

出水寺訪三潮泉

古寺倚山麓一逕若迴帶靈泉何涓涓塵襟使我沐晝  
夜必三潮潤物眾所賴靜深以時出疏鑿不在外乃知  
本源厚中虛受始大氣候日月應脈絡江海會植基苟  
弗深立涸笑溝澮

灌嬰故壘

將軍畧定豫章來屏障炎荒壁壘開一使未通天子詔  
百蠻猶拱越王臺江城畫角聲秋月嶺嶠征鼙動晚雷  
南海卽今歸禹甸雄疆控制正須才

清水塘弔楊忠節

慷慨臨江挂戰袍南天一柱卓金鼇虎頭城郭當關苦  
龍武旌旗跋浪高吏部餘光爭日月孤臣熱淚瀉波濤  
寒塘夜半蛟螭泣星斗闌干動佩刀

廉泉

美人對鏡鏡何處著纖埃銀漢水清淺玉壺秋往來只  
宜明月照未許白雲清心素欲誰寄芷蘭花正開

靈山廟榕樹歌

榕交幹  
蔭舞臺

寺門日出響秋雨兩樹榕陰夏不暑東西屹立蔽層臺  
上鬱雲煙下歌舞巨幹橫出成橋杠奇根中空裂門戶  
老閩人事忘太初勢與大化相終古我聞江右古豫章



本以喬木名雄置梗柵祀梓世所重樹之百年皆棟梁  
爾不過顛生南荒工師斧斤弗爾戕爾棄世耶世棄爾  
空山偃臥如義皇仰承雨露不一償繫匏無用殊堪傷  
噫吁嚱仔肩大任須厚力庸弱當之懼傾側天下多材  
不爾惜投置荒閒計亦得

登塘海忠介題壁

忠介令與國時省敘至登塘憩諸生王應時家題詩於壁字大

如盤委硬有生氣今猶存王氏宗祠

諫書凜烈風霜字情話流連父老觴九死餘生終倔强  
一官小受亦循良觸邪爭避神羊角擲筆猶騰臥虎芒  
五十六言遊戲墨空山雷鎮重甘棠

木客吟

停君白玉琴聽我木客吟木客自言秦至今當時咸陽  
恣荒宴四海徵材起宮殿民力凋殘地力窮鞭撻山靈  
況愚賤木客探木上洛山不得大木無生還自分此身  
委豺虎豈知服食能長年徐福樓船渺滄海秦皇不仙  
木客在木客晝倡屬農夜則獐與獐山魃野魅相伯仲  
非人非鬼非神仙不知有漢况魏晉山無甲子忘其年  
晝游盤古峯夜攀女媧石直視下界雲茫茫萬里鄉關  
秦月白月色不照歌舞臺照見長城鬼燐碧城下髑髏  
生齒牙山之人兮歸無家武陵或有舊相識春風無路  
尋桃花噫吁嚱三十六宮盡塵土十二金人淚如雨客  
何爲者竟終古獨醉孤吟意良苦曷不乘煙訪毛女干



載荒涼結儔侶同是羸秦流落人未識相逢作何語

登望闕臺

潦倒江湖客還登望闕臺微臣猶草莽弱水是蓬萊日  
指南天近雲從北極開長安原咫尺頽廢愧庸才

文信國遺劍

一劍風塵老猶留戰血痕山河爭氣運星斗照乾坤恥  
落他人手難忘故主恩沈薶六百載浩劫殉忠魂

食鮮荔枝

盛世舒民力珍奇卻遠方星馳無北騎風味老南荒玉  
沁仙人體香浮海客航不須憂內熱心本玉壺涼

憶西園荷花

西園種菡萏春水碧迴環此日花應放他鄉客未還蕭  
疏改青鬢憔悴惜紅顏道遠無由寄離愁千疊山

鍾令公讀書巖

越國藏書地虔州衣錦鄉山林終古秀翰墨至今香往  
日清宮禁殊勳在廟廊始知侔李郭不獨擅鍾王

七夕風雨同人小集鶴石軒

新秋又明日七夕況殊鄉何處星河影滿山風雨涼無  
聊清夜漏且盡故人觴友誼天涯重蓬飄只自傷

壁園文星閣晚眺

夕陽動高閣秋色俯全城山積百蠻氣江流千古聲登  
臨游子感留戀故人情搔首西風裏蕭蕭愁鬢生



七月二十九日得霽青叔訃音感念疇昔不能無  
詞賦此代哭

別公半載餘遠泛西江船道阻音問闕寤寐心懸懸有  
客故鄉來言公歸道山驟聞氣結輜逾時始涕漣憶公  
解組後著述娛林泉太息大雅替時響沸蜩蟬欲從淫  
靡中振以太古絃文章勵後進英俊羅賓筵公初不我  
識聞我能詩篇下榻招孺子倒屣迎仲宣下問冀一得  
質以手所編嗟余少也賤烏足裨大賢顧念知我深詎  
忍唯諾先公懷固虛受滄海容百川逢人稱小友延譽  
賓客前洎余獲鄉薦南北疲輪轅知我行路難爲我謀  
腰纏殷殷屬望厚拭目俟騰鸞五上書不用驚駘豈足

鞭懼我志頽鬱招我游南園往往共舟楫放浪江湖閒  
醇酒載百石裙屐紛翩跹醉翁意不在聊以游其天信  
陵愛婦人楚騷吟嬋娟中有無盡淚誰能測憂端往歲  
十二月雪霽天蒼寒慷慨置巨觥酌我梅花邊自言去  
日多俯仰心骨酸後來者誰子顧我殊拳拳口述平生  
行謂我猶能傳語罷輒痛飲既醉忽汎瀾瞪目視太空  
徘徊起長嘆悲感雜曠達聽之惻肺肝豈意自茲別不  
復親容顏夙惜知愛少所歷多迍邅公獨遇我摯久久  
無變遷自歎不舞鶴仰天愧羽翰憶初識公時顧影猶  
少年公今舍我去我鬢星星斑蹉跎廢歲月人事苦憂  
煎浪游去鄉里溯流上蘋灘茫茫千載別未獲視蓋棺



東望一灑涕淒風與迴旋賤子陋文采久爲時棄捐蘭  
茝自有芳豈藉草與菅古人重知己生死終纏繚他時  
有道碑敢忘平生言我詩公所賞賦此達九原知公間  
不聞月黑江湖寬

八月十五夜虔臺望月贈謫如兼憶去年倚晴樓  
賞月諸子

結交須結天下士看月須看一萬里我懷抑塞何爲哉  
振衣直上虔南臺虔臺明月氣蒼潔上無纖雲下成雪  
昨日陰晦今宵晴天爲吾曹放佳節主人磊落詩中豪  
與我拾級同登高一層初上萬象列綠陰如海翻銀濤  
更有一層出樹杪俯視全城白皓皓城外江流接大荒

江邊山色開昏杳東望百粵南八閩湖海蒼茫赴懷抱  
始知眼界貴自廣所居者高視乃瞭不然坐蔽塵障中  
安得游心萬物表虔山龍氣何蜿蜒結穴乃在東海邊

形家言龍穴至海鹽結穴

明月本從海上出流光還照虔南天去年

海上看明月月色皓與蓬瀛連同游諸子極豪放高樓  
秉燭開瓊筵舉杯邀月月在酒座中可惜無青蓮去年  
看月憶江上今年看月思去年我身慙無縮地術每於  
空闌生纏繚人生聚散真難必莫問歡娛與離別耿耿  
之心不可滅有酒且酌今宵月月色沈沈風露清水光  
上接星河明南飛一鶴歸何處蓬裏關山無限情

十六夜南樓望月次謫如十五夜望月韻



有明詩集 卷六  
昨夜南樓月能令秋思多今宵一片影依舊滿關河欲  
賦廣寒曲翻成懊惱歌離懷誰與共織錦有秦娥  
既醉山公酒重登庾亮樓萬山高處見一氣大荒秋落  
落星辰影茫茫章貢流神仙倘招手還跨采虹游

寓齋八月始聞蟬聲

物候虔南早鳴蟬聲獨遲夏蟲羞與語秋氣爾偏知風  
露成高潔炎涼妙轉移尋常聽未慣翻笑不宜時

鶴石軒古桂作花藹如屬賦長句

曉起聞香何處尋西軒老桂壓牆陰主持清氣前身月  
鬱烈秋風志士心蟋蟀亭臺寒悄悄不恩簾幙晝悄悄  
王孫已赴淮南約忍作離騷哀怨吟

謁周元公祠

君子蓮花淨卑官柳下同昏衢懸皎日悍俗化光風道  
悟飛潛境心涵造化功淵源啟閭洛能障百川東

束裝待發歸有日矣旋以彭蠡水災饑民梗道遂  
不果行悵然志慨

秋氣動寥泬客心思故鄉魚龍翻楚澤梟雁梗鄱陽利  
涉須舟楫殘黎忍斧斨憂懷與離恨江水共茫茫

哀江頭

哀江頭江頭誠可哀愁雲積空晝不開老蛟挾雨游江  
淮荆襄橫流下皖豫漢水併合鄱陽來噉吁噉悲哉地  
浩浩而無涯天高高而不可階巨浪齧土土崩裂田園



廬舍同沈蕕萬室流離走相避哭聲幽咽陰風霾中澤  
嗷嗷痛轉徙存歿焉能顧妻子溝壑江湖同一死少緩  
須臾豈足恃否或化爲豺與豕饑寒所驅憂未已去年  
河內凶瘡瘼元氣猶未充今年復苦水江田半入洪濤  
帝心仁愛憫赤子頻年薄稅減正供陰陽變理資三公  
賑撫更應籌司農噫吁噫悲哉江頭之哀哀何極滿地  
風波行不得唐虞天下有饑溺搔首長吟望禹稷

客夜屢夢

先嚴慈悲從中來筆淚俱下

父逝三載餘 母逝已大祥宅兆未安厝寤寐心皇皇  
弱冠謀技水岷岵徒徬徨三十膺鄉薦塵海疲游緼每

於叩別時酸惻結中腸 父言近衰邁兒宜在我旁

母言強寬解謂宜志四方同是愛兒心所言若相妨名  
利曠定省厥辜何由償當時行役歸猶幸親壽康今茲  
永睽隔兒孤何所望兒尚未有嗣曷以主蒸嘗況後去  
鄉里浪游未終喪雖有故人金不得奉高堂九京猶念  
兒千里遠相將諄諄頗有訓愉悅苦不詳豈以室家故  
命兒東歸裝兒歸意良決江水梗汪洋梗江水親  
何至他鄉愴然忽有悟欲哭聲不揚嗚咽見窗月淚溢  
衾與裳父母愛兒心存沒總弗忘胡爲役人事坐令至  
性戕平生不孝罪海水詎可量

十月十日爲

先慈諱日設祭寓齋遠道不歸罪



可言乎

遠道逢家祭茫茫心更悲天涯頻作客地下定思兒祿  
養虛今世門間憶往時空餘斷腸酒東望獨漣漣

父執湯鼎木丈

共長

由袁浦寄詩至虔爲倚晴樓

落成并賀新得硯園感念今昔賦此奉答

心水

丈人我父執硯園我西鄰丈人居硯園花竹皆清芬憶  
余垂髫日抱書丈人門童心好嬉戲入塾頗逡巡攀林  
走飛鳥瞰水攪潛鱗每見丈人出嚴憚使我馴丈人去  
硯園今已三十春人事多變遷園樹久爲薪俯仰異疇  
昔觸緒成慨呻我父重友誼夙與丈人親平生道義  
交能使薄俗淳常時訓兒輩示以所遵循數言丈人好

大雅卓不羣桑梓必恭敬況乃父事尊先人痛已逝讀

書志未伸舊時所交厚惟有丈人存丈人亦困頓老作

諸侯賓所幸氣醇固健骨猶輪囷春來登我樓高談能

干雲俯視硯園址豁達開荆榛

倚晴樓可  
望硯園

悼往輒感喟

撫今極歡欣謂宜置尊酒賞此韶光新既醉復能詠老

鶴橫秋雲近游袁公浦寄書通殷勤嗟我共逆旅乃在

西江濱萍梗去鄉里惆悵難具陳秋風起彭蠡波浪來

湘岷田廬沒浩蕩中澤多災民鴻哀雜梟悍互絕要路

津故園阻歸權平地忽崑崙復聞淮水溢洩注龍蛇奔

饑溺滿道路誰爲舟楫臣彼此隔江水憂懷浩無垠何

當賦歸去扁舟覓鱸鮓醉翁志山水慎勿羈風塵科名



亦塞馬得失何喜嘆所立苟不朽豈在笏與紳開我西  
園門傾我南樓尊流連釣游迹感念興廢因萬事迅焱  
電勞勞百年身且復順至化怡然全吾真三徑幸未荒  
頗足娛丈人

憩靈山廟

白日不到地半山榕樹陰蒼涼得古趣蕭瑟見秋心異  
代風雲老禪關歲月深鳥聲自歡喜聊與散幽襟

登八境臺

山氣連閩粵江流合貢章樓臺天咫尺城郭水中央我  
輩登臨地羣雄戰鬪場坡翁題句在光燄照南荒

萬如招同王蔗邨觀察訓周潤山太守王衡陳仲

博茂才觀西燕集望關臺

我從馬當揚帆來風雲驅赴虔南臺黃鵠摩空視千里  
使我豁達心胸開八扉玲瓏四面關俯瞰秋城莽寒碧  
百年豪興動尊俎萬古蒼煙落几席此時白日懸青空  
錦屏華蓋胭脂紅三山皆藉紅色酒星磊落出塵表山靈拱揖  
爭朝宗太守能言醉翁趣仲宣解作登樓賦湖海元龍  
意氣豪釣竿曾拂滄溟霧仲博會至琉球主人汧公之後身舊臺  
名鬱孤唐李勉官虔州時更名望關登高每憶長安春往時清漏如在耳  
冠履悅惚通星辰八境雄奇萬峯矗古來盜賊此流毒  
清晏方知民俗和酒杯亦見承平福須臾雲氣陰全城  
雷霆下激波濤聲初擬看月翻聽雨鐙火忽若江船明



造化端倪不可測  
顯晦陰晴異頃刻  
酒酣燭燭歸當歌  
高臺夜迴秋風多

虔臺閩武歌贈藹如

七閩五嶺東南天下流  
江勢汀漳連書生裘帶資坐鎮  
虔州軍事當中權轅門吹角警秋雁  
天下承平敢忘戰  
光弼登壇令一新  
戈矛未動精神見  
鼓聲起蟄雷在空  
初閱騎陣繼火攻  
馬蹏蹏塵浪濫  
潏犀燧裂石煙崆峒  
矯若游龍迅飛燕  
來成驚飈去成電  
萬幕無聲起白雲  
郊原漠漠平如練  
忽然甲盾翻猱曲  
踊距躍輕騰超  
團弄全身入明月  
飄瞥一現昆吾刀  
橫梁健兒亦矯捷  
短兵擊刺紛相鏖  
鋒刃閃鏖爭秋毫  
於膚不撓目不逃

危梯踏雲何高高  
戰守互用吁其勞  
鏡歌歸唱弓矢發  
從容應節軍無暮  
是日秋陰莽遼闊  
北風吹旗怒虬掣  
不惜千金勵士心  
懽呼合陣江潮裂  
讀書不武能行軍  
操縱變化如有神  
君乃臨淮之後身  
地則陽明之軍門  
帝心南顧方憂勤  
干城所寄真其人  
我懷抑塞無由暢  
慷慨長歌嚴武帳  
暫逐諸侯壁上觀  
驚駭伏櫪心猶壯

幽蘭操

藹如以素心蘭置余齋頭幽秀芳潔宜讀離騷  
賞之雜感成篇託之琴操

秋風起兮江水寒  
露湛湛兮歲將闌  
衆卉淒以改芳兮  
爾獨嫵媚以自憐  
離塵壒兮迴立鏗玉佩兮翩翻夕偃



信明相言集 卷六  
息於瑤圃兮朝乃擢秀於瓊田悵芳華之晚晚兮怒含  
憂兮未遣矢幽潔以自閑兮慙世俗之我眷幸遠道之  
蹇脩兮得置君之玉堂君能鑒予之貞白兮忍自祕其  
馨香嗟蕭艾之見嫉兮謂余情之未芳素曜耿以在空  
兮或精神之我量也歎蛾眉之不淑兮亦繼繼以自傷  
也將涵涅以諧俗兮余安能強而爲此態也將歿晦於  
空谷兮又君子之不我棄也仰蕭寥而流覽兮心悵悵  
其若昧顧娉婷以自珍兮結明珠以爲佩予惟不改此  
素質兮任相者之妍媸侶芙蓉於江浦兮指白蘋以相  
思懼微波之閒斷兮余又安能以自持澹容與而旁皇  
兮惜幽芳之不時亂曰蘭之生兮汀洲性美好兮無尤

秋水兮渺渺香欲逝兮仍畱撫瑤琴兮起歎息我所思  
兮不可極

謫如招集春雨軒賞菊賦長古見贈占此奉答

故園歲歲重陽節獨對黃花憶舊遊今日遠尋千里約  
西風小別五年秋芳華不屑時人賞真味還從淡處求  
公瑾醇醪能醉我天涯遲暮未應愁

虔州雜詩

連岡蜿蜒闢蠶叢雨洗前朝戰血紅鑿險本無天

舊傳十八灘有天子地後爲盧光稠鑿去涉川難仗大王公俗呼灘師爲大王公盧城

瓦礫飄零盡楊僕樓船想像中聲教卽今通海外請纓

無路愧終童



貢江噴薄下汀洲閩粵南來此上游地接百蠻資重鎮

天迴萬嶂折奔流蛾眉戈甲森羊角羊角蠻洗夫龍武人屯兵處

旌旗控虎頭明季楊萬諸公守賴其兒女英雄俱寂寞

坡翁詩句自千秋所募將士號龍武軍

千里秋風正憶鱸兼天波浪阻江湖時欲賦歸為還家

遠夢憑鵲鵲留客空山有鷓鴣玉粲登臨非故國嗣宗

哀毀況窮途玉巖可是忘歸地萍梗誰憐泛海鳧玉巖即通大巖亦名志歸朱楊行先隱居於此

搔首蒼涼賦九歌昏船曉角滿關河大江東去雄心激

遷客南來熱淚多榕樹不材成老大芷蘭有恨惜蹉跎

嶺梅縱放春消息已是殘年感慨過

萬如擢皖臬行有日矣余亦東裝待發壁園花草

依依有情作詩別之

花草天涯物畱人非故鄉平時增感觸臨別轉徬徨小

院芙蓉月疏林橘柚霜明朝挂帆去誰為惜幽芳

相見灣

相見灣朝暮幾相見朝見相思心暮見相思面相見那

得有相思相思却在不見時暫時離別有如此何物風

帆忽千里

儲潭觀音閣晚眺

高閣臨江勢建瓴西風斜日古郵亭山連炎徼千峯赤

天入滄浪一髮青上水帆檣迎候吏下灘金鼓賽神靈



開鷗未識勞人苦自逐漁榔過遠汀

張家渡文信國故居

白雁飛來草木兵一朝王氣盡空阬英雄無事航聲伎  
志士臨危決死生海上君臣歸淨土人間河嶽重科名  
大江日夜雷霆轉想像勤王戰鼓聲

舟次峽江徐芷坪明府燧招集官舍

一城山色翠橫空官閣壺觴入畫中知己論文同李白  
謂舊主人記曲似張紅府所製樂府明賞音塵海憐焦  
尾搔首天涯悵斷蓬鐵笛蒼涼吹不得周郎祠外正東  
風

周郎祠

巴邱山控豫章城鎖鑰東南舊列營識曲自饒名士氣  
指囷肯負故人情天生伉儷藍田玉地裂風雷赤壁兵  
年少君臣如骨肉丈夫知己感平生

余在虔州讀年丈袁穀廉大令翼遂懷堂詩文稿

想慕其爲人冬杪得晤於南昌客舍依依若平生

歡惜其之官浮梁恩促言別於其行也賦贈二章

微波曾未一通詞酒後鐙前似別離名士江東應獨秀

美人天末久相思故鄉金粉梅邨集窮海風雲玉局詩

集中多入世有廣陵誰擊賞瑤琴調苦不宜時

縈縣心素託閒鷗親解明珠賦塞脩小聚搏沙偏易散

幾時泛月更同游芙蓉遠道懷人曲蘆荻空江送客舟



信時相詩集 卷六  
此去哀鴻猶滿路歲寒好試白公裘

南昌除夕

陣馬追風車轉轂又見殘年盡紅燭飮盤柏酒列長筵  
卷地春聲萬爆竹尋常餞歲惜遲暮何況天涯坐蕭蕭  
縱然賓從強歡娛無奈離人易感觸客中除夕計兩度  
九年前在燕山麓燕山高高見白雲南望門閭愴心目  
當時高堂尙健在擬向長安覓微祿故園白髮話他鄉  
已苦終年遠骨肉今夜卻在鴻都城失巢禽已悲風木  
鐙前無復喚兒聲搔首江天淚盈掬遙知弱息薦蘋蘩  
應代孤兒奠醴醪養不能豐粢亦薄安得椎牛列鼎餽  
生兒讀書望兒賢豈料饑驅仍碌碌馬齒徒增無用年

燕巢尙戀他人屋南游縱獲稻糧資爭及承歡水與菽  
歲月消磨百感中鬢絲點點烏能綠明年何日是歸期  
鐙火深閨定瓦卜



UNIVERSITY OF WASHINGTON LIBRARIES  
All overdue materials are subject to fines.  
**DATE DUE**

EAST ASIA

Lib. 65

• 1-84-2000

信  
昭  
有  
言  
集

卷  
六

天